

## Jenizizi Mudi'na Yamaasa

*Gotiyai yuyangi wakyaakesi.  
(1:1-25)*

**1-5** Sınnawı kigaakuna Gotiyai sıgunyası kwaakesi wakyaa!. Tıvi wakakegaalı kwaaka kuneva! warına kyaa!, sagaa! Gotiyare Kuryai aalıbunyayı munyaba yılaymentarina yaa!. Yuyaba jihinya! yadısı Gotiyai wijaa! “Yırıke'gıt dıvu!!” Mi'na kujaa! yırıka purına yaa!. Gotiyai yırıke' wanganaka wijaa! “Tewaanyasıra. Yırıkegaaktı.” Gotiyai yırıke' gavi wakına, jihinya! gavi wakına yaa!. Wakına yaka “Jihinya! sawısasıra,” wijaa!. Mi'na kujaa! yırıka pırtı mi'nanyıra.

**6-8** Yırıka mudıke' kavuryaa! Gotiyai wijaa! “Aalyamwavıdaası yıraaya bilaawana!” Wıdına kyaa! yıraaya bilaawına yaa!. Gotiyai wijaa! “Munya ke'ba sıgunyası.” Yırıka pıryaai mi'nanyıra, sagaa!.

**9-13** Yırıka mudıke' kavuryaa! aalya naange' yunebanna wa'dısı Gotiyai wijaa! “Aalya naanga da! avaala pıba warana!” Gotiyai sara kujaa! aalya maalıka wannına yaa!. Sagaa! sıla, mugunya, kwaaka warına yaa!. Mi'na warına kyaa! Gotiyai wijaa! “Yıta, maye, sıgya, kure, kinna, wapaaya yuya yıma'nyına yana!” Sara kujaa!, sagaa! yıma'nyaakengi. Sinakejji tainakejji yıma'nyaa!. Yırıka daryaai dari' mi'nanyıra.

**14-19** Yırıka mudıke' kavuryaa' Gotiyai wıdına “Baaka naange' (Nyılıyai), baaka maalıke' (lawei), siliṅgaaminya warana!” Sara wıdına kyaa' nyılıyai, lawei, siliṅgaaminya yıma'nyına yaa!. Gotiyai wıdına yaa! “Yırıkegaa' nyıla wıdına yana! Sawısagaa' lawei, siliṅgaaminya wıdına yana!” Savıdaası kwaakevaki yırıkesi wanyıwanyasi warı!. Gotiyare sımunya nyılıalyı lawelyı saraarına wawınya yanya'ne sa' gavi wakına, burıkegaa'ne sa' gavi wakına yaa!. Yırıka daryaai daryaai mi'nanyıra, sagaa!.

**20-23** Yırıka mudıka kavuryaa' sagaa' Gotiyai wıdına “Jawınya, buta, waalabya aalyavı wılarya'ne pını mwaalana!” Mi'na wıdına kyaa' jawınya, waalabya, buta yuya aalyavı mwaalına yaa!. Mwaalına yeva aalyavı kusawi jawınya, waalabya bwaranya wılayariwannyına yaa!. Nabaai Gotiyai yuta ge ge munyawınnera wımwaaihına, kwaakewınnera wımwaaihına yaa!. Yusara sara wımwaaihakeraavıdaası naanga mijayariwannıgunı yaa!. Sagaa' yırıka daryaai daryaai darı! mi'nanyıra.

**24-31 (24-24,29-30,2:9a)** Yırıka mudıke' kavuryaa' Gotiyai yagaala wıdına “Jılkıyaawarya, yıkurıyaawia yuya yıma'nyına yana!” Sara wıdına kyaa' kwaakevi yıma'nyına yaakengi. Nabaai Gotiyai kamaala, maa'nyaanna sara wakına yaa!. Yuya yıma'nyaakengıdaası naanga yariwannıgunı yaa!. Sagaa' Gotiyai sıgya, waanga tıka nya'ne sımudınya yadıvisaraavına wıjaavına yaa!.

## 2

*Gotiyai a'mweraavi yavikaryaa!*

(1:26-2:25)

1-7 Gotiyai yuyaraavi wimwaaikhakere. A'mwelyi a'mwesi sawaari yavikaryina. Gami kwaibisawaari yavikaryina ya!. Gotiyai kwaake' livina yaka livigiri'mwanna yaka a'mweri yavikarina ya!. A'mwere kilaakejji' yavikaryaka Gotiyai gamire sinnyiki' pwa'nyi kamakura' sagaa! a'mwei yima'nyina kya! "Ataamima gimirre yaya' gitihwana," Gotiyai sara widina ya!.

8

9-17 (9b-17) Gotiyai wawinya naange! burinna burinna ya!. Burinna burinna yaka Ataamimi maarina yaka wawinyaavi wilamarakina ya!. Kwaaka Yitheni aalimaangevi wawinya sa' wara!. A'mwe pwai yisaridaa'nyi yisila maranajji kwajji gazagaasagaa! kamwaaladika. Nabaai yita pwai siduta nawi'nya siduta kayaa'nanya! yawirya'nei waaya!. Gotiyai Ataamimi wida! "Gimi wawinya davidi mparemwaaidieginyi. Yisila wawinya davidaasa da dinadengi," wida!. "Wawinya davidi tinnyaba yisai siduta yawirya'nei waayikeridaa'nyi yisila na'gizi, gimi siduta tewaanya yawi'na jitthesi. 'Nabaai gimi siduta kayaa'na yawi'na jitthesira,' gitihwa. Yisila sa' gimi maninnesi," wida. "Gimi na'gizi divaidesi," wida ya!.

18-20 Yuta jili kyaawarya yuya Gotiyai kwaakevidaa'nyi yavikaryakera Ataamimi

mwaaidisiyaba makwasaaba!. Kamakwasaaba!  
Ataami yuyaraavi yaya wiða!.

**21-25** Sagaa' Gotiyai da' "Ataami gavei mwaalya sa' kayaa'nanyabwi yi!. Niñmi a'mwe gaminyine' yavikarima! A'mwe sa' gaminyi wigaimwagathesira," da' Gotiyai. Sara daka Gotiyai Ataamimi se naanga marakakei wa'di'nyi Ataamimire laasari' galalivimwagamaa'na yaka gamire kilaakejti' yihula yajida'na ya!. Yajida'na yaka a'mwevi laasari' yavikarya!. Kyavikarya! Ataami kadikaava! Gotiyai a'mwe' wiðmaarina ya!. Wiðmaarina kya' a'mwevi Ataami wanganaka "Niñmiji avaalya'ginyira," wiðina. "Gotiyai niñmire laasari' nyili'vimiwagakaka gyavikariwake'ne! 'A'mwe'gi,' gitihideinyira," wiðina ya!. Sayabadaa'nyi dahaa' a'mwe pwai ganimaangelyi ganaangesi sawaaryabadaasi yagalya'makuna yoj a'mwe' kwala maarinna yoj gamire a'mwesi mwaalina yakilyiyagaa' kiyoi yune kilaaka gave piñi'nanyi. Gotiyai wiðina ya! "Kirimire kaimiraaya jawakinyidewaaihilyira. Nabaai yikuruyaawiaraji mala kayaawaryaraji jili'kyawaryaraji yuyangji dimaremwaalyidewaaihilyira." Kannyimaayawaari sawaari wagila muvwa'nya!.

Gotiyai gami yavikaryakengi tinna dara wanganake' tewaanya naanga wa'disi wanganakengira. Yirika ata pwina ata puridaa'nyi pwai mi'nanyira sagaa!.

Yirika mudike' kavura! Gotiyai gannya wawinya mi'na yaka kwazaaka mwaala!. "Yirika

daryaai daryaai daryaai dari' sagaa'ne sa'  
gavinya'nesira," wida' Gotiyai.

### 3

*A'mwera kayaa'nanyabwi yaa'.*

(3:1-24)

1-7 Kamaala sai sidu'nakei a'mwevi widina "Gotiyai jihithaka? 'Kirimi yisila yita dangidaa'nyi mamaranyikanesi,' jihithako?" Sara widina kya' a'mwe' widina "Yisila nakajanga yawi'manigoi. Yisila yita wawinyavi tinnyaba waayikeridaa'nyi naarimi mamarananakanesi. Yita dari yime'nakwoihiji balina yakade'naalyi," widina. Widina kya' kamaalyai widina "Kirimi divalyidewaaahi mi'ka. Kirimi kayaa'nanya pininna tewaanya pininna yawi'na jidewaaihilyira," widina. "Kirimi Gotiyaibti jima'nyidewaaihilyi. Sa'na nabaai Gotiyai yawi'mani," widina. Kamaalyai mi'na widina kya', sagaa' a'mwe' tinna wanganake! "Yisila maranyina yima!" da!. Sara daka maranyina ya!. Nabaai gamire kwalaangeri kumarya' a'mwei yisiliyai maranyina ya!. Ti'i'na maranyina kya' kirimi sawaai kunya yawiragi. Yawiragiла dara yennagilya' "Kannya maaya'naai daaka!" Dahilegaa' wagila kuvwa'na' yikwasa gipwaina, kannya yira'nyina yagi.

8-13 Sawisaburi Gotiyai wawinyavi kaanya yamaryina. Yamaryina yadaa'nyi Ataamijigannya a'mwesi sawaai gaminyi wi'nagila yikaavilyavi kima'nyawi lika yulya'na yagi. Yulya'dakilyi Gotiyai jaka widina "Gawi

mwaaihilo?" Sara widiña kya' a'mwei wida' "Purinya kiwaa gu'nawa. Kannya maaya inyilika yulyake," wida'. Gotiyai widiña "Sa'na aai kagihiwakaka? Yisila mamaraninnesira, gitihwa'de' daniwaana?" widiña ya!. Widiña kya' Ataami wida' "A'mwe nyijaavagine da' yisila kanyimaariwa' niwana." Sara widiña kya' a'mwe' wida' "Niminyi kamaalyai kwaasiyagaala kanyidiwa' yisila maranyina yiwana."

**14-15** Mi'na widiña kya' kamaalyar! Gotiyai widiña "Sayaba kamaala sivilata maaya daig! labwatavamarina jaho'deiginyi. Gimire kaimraayara kwaraj! savire kaimraayara kwaraj! similika winadiiv! mala tannipi'de'na wijiwaakiderera," widiña. "Gimire sividahunnyavi kayaaka yigaidiza'ne' gimire minyaginyavi giviza'jivaladeiginyi," widiña ya' kamaalyar.

**16** Gotiyai a'mwevi widiña "Mudangegaa' ginnya kaimraayai ma'daa'giyagaa' daanga naanga gitvadeginyira. Sara yija' ginnya a'mweri yilaaya jihadesi. Nabaai gami' gimateemwaaladelyi," widiña ya'.

**17-19** Gotiyai Ataamimi widiña "Sayaba ada' gimi' sara yawaanya sa'ne' nim! kwaakevak! kurivaariya wakideinyi. Kwaka'muri gimi' wapaaya nya'ne wawinya naanga yadi sagaa' giminnyi maa'na naanga ginadeiginyi. Yuyagaa' kwaihwaainateig! mwaala'giziyyagaa' gimi' sara jitheiginyi. Kwaakejis! gyavikaryaginyaig! gimi' bala'giyagaa' gimi're kilaaakeji' kwaaka ayina

yıma'nadezikı," wıdına ya!.

**20-24** Mi'na wıdına yaka Gotiyai yaawıhılaake' maarına yaka kannya yavıkarina yakewaai maarına yagıla kannya marira'nyına yagi. Ataamı a'mwevit wıda' "Yıva' gıthıwe sa' gınnya yaya naange' gıthıwa." A'mwe yuyaraavı kuvınaange' yıma'nade'nanyıra. Ataamıji Yıvası sawaai kunya kayaa'na yawı'na, tewaanna yawı'na yadi' mwaalagi. "Yısıla gaalya'ne' nyına yakırı gazagaasagaa' namwaalyıkadıka!" daka Gotiyai wıdaasına. Sara wıdaasına yaka "Yıta tewaanyarına maremwaaipi'deraava," daka wawınyavı mwasılaa ejeliya dameraavı wımwaaiha!.

## 4

*Kenı Aivelimı tamakyaa!*

(4:1-24)

**1-24** Ataamıji Yıvası sawaai kaimaleraarı wımwaaihagi. Kenı gannya wawınyavı yadaası Aivelı jılıkyaawaryaraavı maremwaaılın. Pıgaa! Kenı wawınyavıdaası wapaaya maarına yaka Gotiyarı wımaaryına. Aivelı sipızipıya tewaanyai maaraka Gotiyarı wımaaryına. Kumaaryagi tawanakei wımaaryaka Aivelimına Gotiyai yılaaya yına ya!. Wapaaya wımaaryaka Kenımına jıkurya yına ya!. Jıkurya yına kya! Kenı sınnıa tıka kudava' sagaa' Gotiyai wıdına "Kenı sınnıa tıka magıthavanna! Kayaa'nanyabwi minnera!" Wıla dıvi wawınyavı a'mwera mamwaalyaba Kenıji Aivelıji saraai mwaaidakırı Kenı Aivelimı

tamakina. Tamakina kya' dìvi sagaa' Gotiyai Kenimì wìdina "Jìhwaalaangei gaziyaka?" Sara wìdina kya' Keni wìdina "Mwanganyìweinyì. Gaminyì maremwaa idinyainyì daaka!" Gotiyai wìdina "Jìhwaari baari' yìwaa? Jìhwaalaangare tawejì' kwaakevakì warì'. Dìvi sagaa' kwaakevakì wawinya ya'gìziyagaa' wapaaya maalike dakanadeiginyì. Gimì gazabazaba yamarina jìtheiginyì." Mi'na wìdina kya' sagaa' Keni wìdina "Gimì mala kanyìramaasa'gìzi gazabazaba mwalamarina yìdeinyì. Yamaryadaa'mujì a'mwei nyanganojì mala nyìramakadeinyì." Gotiyai wìdina "Aawano. Sasare' mika." Wìdina yaka Gotiyai "Kenimì mala narabìka!" daka Kenimìre yamevi pìkarya ya!. Sagaa' Gotiyaryabadaasi Keni kwaaka Nothìnei kaanna wìna ya!. Gamìre kaimìraayara kwaaka mudìkeba mwalaaweva kwaari'masannajì, pìradaazannajì yuya kunnya saburana yawìrevä yavìkarye!.

25-26 (-)

## 5

*Ataamìmìre kaimìraayara kwala naanga  
yìriyaa!*

(4:25-5:32)

1-32 ((4:25-4:26, 5:1-32)) Kwarame naangeegaa'  
130 Ataami wavìlavakei gannya kaimale  
pwai yawakina. Yìva' gawaali' Ataami  
ganìmaangeibì'nanyai mìlaka gannya kaimalerì  
ganaangei' wìdina "Satai gìnnya yaya'  
gìthìwana." Dìvi sagaa' Satai naanga mena

yıma'nakegaa' kaimale Yınozari yawakına. Sinnawi Gotiyarınna majı, mwaalına yesara Yınozai yıma'nakegaa' ayına Gotiyarınna dadıvı' mwaale'. Ataamıji Yıvası sawaare kaimale taaya mılagi. Kwarame 930 kwavılavı' Ataamı bala'. Yınozai kaimale Kenanımi kyawakına', Kenanı kaimale Maalalelimi kyawakına', Maalaleli kaimale Jaaretharı yawakına'. Jaarethai kaimale Yınokıyarı kyawakına', Yınokıyai kaimale Metuzalaamı yawakına'. Gotiyareburı Yınokıyai tewaanna yına yaka mabalyakei Gotiyai maraabına ya'. Metuzalaa kaimale Lamekerı yawakına'. Kwarame 969 wavılavakei Metuzalaa bala'. Lamekei kaimale Nowaarı yawakına'. A'mwe pwara kaimale taaya yawakıne'. Nowaai kaimale Samı, Aamı, Jaivetai saraavı yawakına'.

## 6

*A'mwera kayaa'na yadıvisara mwalyaa!*  
(6:1-8)

<sup>1-8</sup> A'mwerajı a'mwejı kwala naanga kima'ne! "A'mwengı nemı kwala maraana!" deva Gotiyare kuvıbwaalıvava maarına. Maarına kye' kunnya kaimıraayara a'mwe dıragınya naangera yıma'ne!. Gotiyai tınnıa dara wanganake' kayaa'nanyaraavı wangana!. "Kayaa'nanyabwi sara yaana!" yawi'dıvisara yuyagaa' yesa'na Gotiyai dına "A'mwe atina ata purıdaa'nyı pwainanyaraavı kwarame ata sıvılıraai (120) kwavılavojı wakıdengıra kunnya balya'negaa!." "A'mwera, a'mwe, yaawarya, jılıka, yaawia, yuta, yuya tamakıdengıra," dına.

Mi'na dına yaka Gotiyai da! “Nowaai a'mwe tewaanyarina yivainidelyira.”

*9-22 (-)*

## 7

*Nowaai sipyaya'yavikaryaa!*  
*(6:9-7:5)*

1-5 (6:-7:5) Nowaai a'mwe tewaanyai Gotiyari gya'mwei. Gotiyai Nowaari wıdına “Sipyaya' ange'bı' sa' aalyavi a'ba yilarade' javikarideiginya. Sipyaya maalika javikaride'na mi!. Sipyaya naange' javikarideiginya. Sipyavire yida'na saaminaange' anga naangebabı' javikari! Sipyaya' angajina lalangyaginya'bı' javikari! Yida'na kekina laalayaginya'bı' sa' duthaakwia! Sipyaya' minye'na amwi pırı' tınnysaba pırı' dakineba pırı' javikari! Yırıtınna munyaba yunebanna yunebanna jıthaakwia! Tıkurya tınnysaba pırı' a'mwera bulya'ne' kaanya' javikari!”

“Aalya naange' yunebanna pıdırawadesi. Sımudinya yadıvisaraavi yuyaraavi aalya naange' wakıwıja' maramıladere. Kırı' kırımiyoihı kırıbwaalavajı saraavire a'mwengijt sıpyavı wılınıa jidengihılıt. Nımirę yagaala gitħideinyi. Sa' jılıkyawarya yikurıyaawia kımaaka pıyoina pıyoina sıpyavı dımarulakıdengi. Jılıkyawarya yikurıyaawia pıni pıyoina ata purıdaalnyi pwaraaina kımaaka mi!. Sa sıpyavı dımarulakıdengi. Wapaaya ge ge gıminyine sıpyavı wılapı'dengiñe wapaaya jovırawakya!” Mi'na wıdına kya! Nowaai sara yına. Mi'na yına kya! Gotiyai Nowaari

wida! “ A'mwe pwara a'mwe pini kayaa'na yadivisanginna gimi tewaanya yadinyaiginna sarimi siyav i dulyidera. Sawita ata yuyi ata puridaa'nyi pwaraai mi'na kajinnoji burike' wakideinyira. Yuya baihirinipidengira,” wida' Gotiyai.

*Kwaakevak i yunebanna aalibunya di'na'na yaa!*

(7:6-24)

6-24 Kwarame naangeegaa! 600 sagaa! Nowaari kwavilava', gamiji gannya balaangesi sawaare kaimiraayaraji kumire balaangeji siyav i kule' Gotiyai kaanya' tihra!. Siyav i kaanya' mena karihra' sawita a'mweraare ata siviliraai jinna'daa'nyi aaliburika naanga yadaa'nyi aaliyiminya naanga yirivakegaa' aalya yilaabaka kwaakevak i aalibunya naange' di'na!. Burika naanga tivi kavawira' sagaa' aalibunya naange' yunebanna mugunyangi kamarulaka' yuya bale!. Siyia' aalyav i a'ba yila'disi Nowaalyi siyav i wilareta yuyaji tewaanya mwaale!. Lawe dikaai dikaai di' kwaakevak i aalibunya di'nara!.

## 8

*Aalya naange' mi'nanyira.*

(8:1-22)

1-22 Nowaai siyav i wila'di'nyi Gotiyai simunya yawira!. Yawiraka yihuta wakinna kya' aalya' walyuina yadaasi lawe dikaai dikaai di' kwavilava' aalya maalika warina kya', siyia' Ararata mugunyav i wara!. Kwara'

sawita a'mwe pwaraare ata siviliiraai kajinna' Nowaai sipyavya yirittinnyariki baasaka mwasawi kaamyaakeri marapilakwaasina ya'. Kwaakevakti aalibunya wa'disi kaamyaakei pilakuna. Pilakuna kya' Nowaai "Aalya tivi kye'nigwaimwaawi! daa!?" daka mwasawi kwaamiryari marapilakwaasina ya'. Aalibunya' kuna wa'disi kwaamiryai mwalaawia'neba kunewi wanganaka ayawinna sipyavina bulamwaaina. Bulamwaaina kya' sawita ata pwi yaka ata puridaa'nyi pwaraai kajinna' pigaa' Nowaai kwaamiryari marapilakwaasa'. Kamarapilakwaasa' sawisiri kwaamiryai yita woliviyare kiwasa' mudimilamaraawina ya'. Kamakaba' Nowaai tinna wanganaka "Kwaakeva' yaalika menanyira," yawira'. Kyawira' sawita ata pwi ata puridaasi pwaraai kajinna' pigaa' Nowaai kwaamiryari kamarapilakwaasa' sa' kwaamiryai yuna kaanna wiina ya'. Wiina kya' Nowaai sipyavya kaanya' baasaka wangkanaasa'. Tinna dara wanganake' kwaake' yaalikevi wangkana!. Mena kwangana' lawe pu'na kwavilava' Gotiyai Nowaari widina, "Sarimi mwasabanna jikwalyaabila! Jilikyaawaryaraavi yikuriyaawiaraavi divuradithalamakwalyaama! Kumti sara kwaakevakti kwala naanga yariwannipi'dererera." Sara widina kya' sipyavidaa'nyi Nowaalyi gamire gawaalisiti yuya mwasabanna walyaabina ye!. Walyaabina kye' Nowaai simunya yawraka "Gotiyai neyvainiwake'na nimti Gotiyai tewannyarinna yilaaya yigalide'na jilikyaawarya yikuriyaawia

wijaawiwabisa' dikev gaayadika yiravima!" yawiraka Gotiyarine simnye' livalaaba!. Livalaabaka dika marira'na yaka "Jilkyaaawarya yikuriyaawia kimaaka mwarikera," daka maarina yaka simnye livalaabakevi dikevi marakina ya!. Simahurika wivwasin na yakevidaa'nyi tirinya wabatirinya winnaka Gotiyai da! "Divi yunegaa' nimye'na simudinya yadivisang maramuneinyira."

## 9

*Gotiyai Nowaari kiwinya' wijaa!*  
(9:1-17)

1-4 Gotiyai Nowaalyi gawaalivaanga kwarajikinidakaavi yagaaihewinya wida! "Sarimi kwala naanga jima'nyideihilyira. Nabaai sarimi kwaakevak gazabazaba mwalamarina jideihilyira. Kwaakevak mwaaidivisajt aalyavimwaaidivisajt yuya dimaremwaaalyidengira. Sarimi maremwaaaidivisa dnyideihilyira. 'Yikuriyaawia naana!' dapijt karamapiri gamire tawe kabwalaawojt tika nyina jideihilyira." Gotiyai sara wida!

5-11 "A'mwe pwai a'mwe pwar karamakori gaminyi tamakina jidelyira. Malakayaawaryai a'mwe pwar tika kadavori gaminyi tamakina jidelyira. Nimi a'mwera nimibisaraaviyavikarye'na sara diramakyideihilyira," wida! Gotiyai.

12-17 "Yiraayav nimire akume ylakideinyira. Akume wagebisav wanganapiji da' jawiryidesira. 'Gotiyai neminyiji mwaaidivita

yuyangiji gannya kiwinya' neda!', sara jawiryidesira. Aalibunya kwaakevakit di'narake'bisa' nim'i wake' divi mulaabyi yadesira. Kwaakevakit mwaabitzangi mamaramiliyi yadesira," wida'!

*Nowaai aalya waainiya' nyaa!*  
(9:18-29)

18-27 Nowaai wila giraipiwawinya burida'. Burinna yaka giraipizila maarina, giraipizila aalya' gulyavti ma'mwagikina aalya yirike' waainiya' maranyina ya!. Aalya yirike' maranaka simunya myawarya!. Sara yaka angevi kannya maayai se warina ya!. Se kwara' Aamit, Kainanimire ganimaangei, Nowaai kannya maayai warakeri wangana!. Wanganaka gannya kidaraari mwasawi mwaalagiyyaraari sa' wida', Aamit. Kuda' Samiji Jaivetalyi saraai yivita maarina, kirinmaangeri bwakakina tinna mwanganyi yagi. Divi sagaal Nowaai dikaa'na yaka Aamit gawaaliwaangei yake'na yawira!. Simunya yawi'na "Aamit kayaa'nanya maalika yivanika kirii' gawaaliwaangei kayaa'nanya naanga yadengira," yawiraka wida' "Kainanimire avaalyara Kainanimi wimwaaikhakera wimaremwaabi'delyira. Samimina divi nimire Gotiyai tewaanya wiadelyira. Yi Gotiyai Jaivetare kaimiraaya kwala naanga yima'nyina, yi a'mwe naangera yima'nyina yipi'derera. Kainanimire kaimiraayara Samimire kaimiraayaraavine Jaivetare kaimiraayaraavine wawinya widaayipi'derera," wida' Nowaai.

**28-29** Nowaare mudangegaa' kwarame naanga (950) kwavilava' Nowaai bala'.

## 10

*Nowaai gavere a'mwe a'mwera kwala naanga  
yiriyaa!  
(10:1-32)*

**1-14** Jaivetai kuvinimaangei Gomaj+ Maahohily+ Mathaly+ Jaavanij+ Tuvalij+ Meseckaly+ Tiraazily+ saraavi yawakina!. Aami kuvinimaangei Kuzily+ Yizipiyaly+ Putiyaly+ Kainanij+ saraavi yawakina!. Kuzi ganimaangei Nimiroth+ yawakina!. Divi sagaa' Nimiroth+ a'mwe diraginyai, malyai yima'na!. Anga naangeba Baivel+, Erek+, Aakath+, Kaline kwaaka Sinaa mannakeba Nimiroth+ maremwaalakebera. Maremwaalaka kwaaka Aziriya anga naangeba Niniva, Rewavoth+Yiya, Kaala, Rezan+ anga sa mada!.

**15-20** Kainani kirinimaangei Saaithonij+ Etily+ saraari yawakina!. Kainanimirera Jevuziyara, Amoyara, Gihaaziyara, Ivayara, Aakayara, Siniyara, Aavathiyara, Semaarayara, Aamaatiyara Kainanimirera sara yima'nyina ye!.

**21-32** Sami kuvinimaangei Elami, Azu, Aapakizathi, Luti, Aarami yawakina!. Sa! Nowaari gawaalivaangera a'mwe yuyaraav+ kwaakevak+ mwaaidiv+saraav+ yawakine!.

## 11

*A'mwera anga saaminaange' Baiveli  
mijaye'mwagamamilaawiyaa!  
(11:1-9)*

<sup>1-9</sup> Kwaakevaki a'mwe mwaalesara yagaala avaala piri'nna dine!. Kumt sara kwaaka Sinaana kaanna wi'na ye!. Wi'na yeva dine! "Gotiyai sara neda! 'Yuyaba dimwalamaryila!' nedaka kiri' nemt kwaaka gazabazaba mamwalamaryaanna! Dava nemt a'mwe naangaina yi'ma'nyi'na yaadeine. Nemt anga naanga madaathe! nabaa'i anga saaminaange' silya'bisa' madaathera," dine!. Mi'na dineva anga madaapijt Gotiyai daka "Nimi walanganaawima!" daka walaaba!. Walaabaka wanganaka "A'mwera kunnya yawi'na yapijiyavt sara nyipidika!" daka "A'mwera yagaala ge' ge' diptide'nana," daka taalita kagi'nyiwaga' sagaa' yagaala avaalya' desara sagaa' yagaala ge' ge' dina ye!. Yagaala ge' ge' dina yeva "Anga naangeba madina yi'vanigo' warana!" deva mamaje!. Anga mamajara kye' Gotiyai widaasina kya' anga gazabazabanna mwalamaryi'na ye!. Anga naangeba yosinna yeva sara yagalya'ma'nika sabanne' dinikesi Baiveli. Yagaala ge' ge' yi'ma'nyi'na yakebanne yaya! Baiveli sara wo'nyi'na ya!.

*Samimirera kwala naanga yi'ma'nyaa!  
(11:10-32)*

<sup>10-25</sup> Samimirere gawaali'vaangei Aapakizathiyai ganimaangei Kainanitmti yawakina!. Yi' Kainani ganimaangei Selaami yawakina!. Yi' Selaa ganimaangei Eva, yi' Eva ganimaangei Pelehi, yi'

Pelehi ganimaangei Rewi, yi Rewi ganimaangei Seruhi, yi Seruhi ganimaangei Naawo, yi Naawo ganimaangei Teraami yawakina!. A'mwe dara kuvibwaalivava kuviraayava yawakine!.

**26-32** A'mwe Teraa kuvinimaangei Eviramit, Naawo, Aaran'i yawakina!. Aaran'i ganimaangei Lotimi yawakina!. Gamire kwaaka Kalithiya saba Aaran'i bala!. Kabala' Naawo Aaranimire garaavaanga! Milikaavi maara!. Nabaai Eviramit Saraaya' maara!. Kamaara' Saraaya' kaimiraavimaaya' mwaala!. A'mwe naanga Teraajit, Eviramijit, Saraayasi, Lotijit, sa angeba E kwaaka Kalithiya mannikebadaa'nyi wiina. Kaanna wiina yeva "Kwaaka Kainaninennava," deva angeba Aaran'i biña yeva mwaalina. Mwaalina kye' saba Teraa bala!.

## 12

*Gotiyai Eviramimi widasabyaa!*  
(12:1-8)

**1-3** Gotiyai Eviramimi jaka widina "Ginnya angebadaa'nyi diwona! Gimijti avaalyaraavi jahalya'makwo! Kwaaka anga dimwaaide pi'banna kagivvaridaakwalmuji dimwaaideiginyi. Nimi sainyi ginnya kaimiraayangi maremwaalideinyi. Gimirera kwala naanga yima'nipe'dere. Gimti a'mwe naangei jima'nadeiginyi. Yi giminyyi jwaalivavaavina a'mwe kwaakevaki yuneba mwaaidiivsaraavi tewaanna yidere. Kumti sariminyine tewaanna kyapiji kuminyine tewaanna yideinyi. Kumti sariminyine kayaa'na

kyapijji nimi kumiñyine kayaa'na yideinyira," wida' Gotiyai.

**4-5** Gotiyai Eviramim sara kuda' Eviram angeba Aaranidaa'nyi wiña. Kwaaka Kainaninei gannya balaanga Saraayas Loti gathaakaangare gawaalis gilyivita yuyajj kaanna makuna ya'!

**6-7** Eviramit angeba Sekemt kwaaka Kainani mannikeba wavila'na yaka yi'darya More mwaalina. Mwaalina kya' Gotiyai Eviramim wida' "Kwaaka Kainani yuneba jiwaaivaangeraav kintdakaavihirine yihizaavideinyira." Mi'na kuda' Eviramit "Nimi Gotiyari yilaaya yigalima! Jili'kyaaawaryari wijaavima!" daka siminye livalaanna yaka jili'kyaaawarya gaayadika mariravake' dike' nasin'na yakevidaasi Gotiyari simatirinya winna'.

**8** Divi sagaa' Eviramit mugunyav angeba Beteli adaihisabanna wiña. Sabanna wawaka angeba Beteli angeba Aayi yaareba gannya seli-anga madaka Gotiyarina yilaaya ya'!

*Eviramit Kwaaka Yizipina yagalaawina yaka ayina byaa!*

*(12:9-13:4)*

**9-13** Pi'gaa' wapaaya kunegaa' mijkegaa' Eviramit Kwaaka Yizipina wiña. Yizipina wawaka gannya balaangevi wida' "Gimi tewaanya'ginyi. Yizipi mwaalyara gwanganapijji 'A'mwe sa' maraana!' dapijji nyiramakipi'deinyira. Gimti duthathera 'A'mwe sai nya'mwelyira.' 'Naramakipi'ka!' da'gizi

sara duthathe'ginya. Sara kuda'gizzi kave wanganakina nyipi'deinyi," wida'!

**14-16** Yizipi mwaalyara kunnya maremwaalakeri wida'na yadiv'i "Peroyaig'i, nemire a'mwe naangeiginya." Peroyare a'mwe naangera Saraayav'i wanganeva Peroyari wide' "A'mwe sa' tewaanyasira." Mi'na kude' A'mwe Pero Saraayav'i gannya angevi wimwaaihina ya!. Wimwaaihina yaka Eviramimi'ne a'mweraji a'mweji sangi widaayadivisangi wijaavina ya!. Nabaai jili'kyaaawarya naanga wijaava'.

**17-20** Gotiyai Peroyalyi gamire maremwaaideraj'i saraav'i Saraayavina kayaaka yigaina ya!. Kayaaka yigaina kya! Pero Eviramimi "Dulaamo!" kuda' Eviramit angevi wilina kya! Pero wida' "Baa'na yivanigina? 'A'mwe' nimiresira,' manyijiwadinyaig'i. Dahaan' ginnya a'mwevi dimakwo!" Sara wida'ka "Eviramiji gamireraj'i yarai wipika!" Pero gannya widaayadivisaraav'i "Eviramimi widaasawa'na jila!" wida'.

## 13

**1-4** Eviramit angeba Betelina gilyivisaj'i jili'kyaaawaryaj'i maryagalaawina ya!. Yagalaawina yaka Gotiyarin'a "Yilaaya yigalima!" daka "Su!" wida'.

*Loti Eviramimi yagalya'ma'na yaa!*  
(13:5-18)

**5-13** Eviramit bulimakaawoya gilyivita naangejyai mwaala'. Nabaai Loti bulimakaawoya gilyivita kinijyai avaalyaba

mwaala!. Mwaalagilyaraare jilikyaaawarya wapaaya nya'ne maalika wara!. Sa'na Eviramimire jilikyaaawarya maremwaaidivisara Lotimire jilikyaaawarya maremwaaidivisara maanga dinyina ye!. Maanga dinyina kye' Eviram Lotimi wida! "Mayagaala madakanera! Piiba kwaaka naanga warika. Gimti tuta pimagina diwona! Nimi pimagina wida." Sara kuda' Loti waraata aalya Jothani saba aalinakeba dara wangana! "Ai, Gotiyare kwaaka tewaanyaba wa'disi kirii mwaaidi daaka? Gotiyare wawinyabisabe," daka Loti walaawaka angeba Sothomi angeba Gamora aya kiba mwaala!. Sothomi mwaalyaraj Gamora mwaalyaraj a'mwe kayaa'nanaangera mwaale!. Loti kwalaawa! Eviram kwaaka Kainani mwaalina ya!.

**14-18** Eviram mwaalina kya! Gotiyai wida! "Pina pina dimaranganamarya! Yuyaba dangadeva gizaavideinyi. Gimti tinna kwangana'gizi saba gimi'rebe. Nabaai gimi're kaimiraayara a'mwe naanga yima'nipi'derera. A'mwera kwaatirya ata gibid'e' mi'ka. Gimire kaimiraaya kwalaalya mwaabizang'i ata gibid'e' mi'ka." Mi'na kuda' Eviram kaanna yamarina yaka yi'darya Maamire yi'darigidikusaba mwaalaka Gotiyarine siminye' livalaaba!.

## 14

*Eviram Lotimi padaihasama'anaya!*

*(14:1-16)*

**1-16** Piigaa! a'mwe naanga kingiya daraai daraalyaraj kumireraj beva angeba Sothomi

mwaalyaraj‡ anga p‡banyaraj‡ saraav‡ baramak‡na. Baramak‡na kye' a'mwe kwalaalyara kabale' pwara mugunya p‡ning‡na l‡kaanya w‡na ye'. L‡kaanya w‡na kye' a'mwe naangera "Nedaayadiv‡sarera," deva Lotij‡ pwaraj‡ saraav‡ w‡la galyirak‡na ye'. Galyirak‡na yeva anga yuyabadaa'ny‡ g‡lyiv‡ta naanga y‡palamaa'na. Y‡palamaa'na kye' a'mwe pwai Eviram‡myaw‡nna kaany‡ve'na w‡na yaka Eviram‡mi w‡da' "Malyara anga Sothom‡ mwaalyaraav‡ baramakeva Lotim‡ w‡la y‡rak‡waa!". Sara kuda' Eviram‡ gannya aaw‡lasaraav‡ jaka w‡daka malyaraav‡ m‡dinna ya'. M‡dinna kya' saw‡ta kujinna' malyaraav‡ tam‡na kye' pwara l‡ka w‡na kye' pwaraav‡ tam‡na ye'. Tam‡na kye' Eviram‡ Lotij‡ a'mwe pwaraj‡ g‡lyiv‡ta naangej‡ ayaw‡nna makab‡na ye'.

*Melikizitheki Eviram‡mi yagaala tewaanya' w‡jaa!*

(14:17-24)

17-20 Sothom‡ maremwaalakely‡ Melikizitheki anga Saalemi maremwaalakely‡ saraai Eviram‡mi w‡jimaa'ny‡na yagi. Melikizitheki Eviram‡mi wapaaya w‡jaav‡na yaka Gotiyarei yagaala w‡da' "Gotiyai sigunyasi kwaakes‡ wakyaakei g‡m‡ny‡ tewaanya gyin‡kelyira. Gam‡zai g‡m‡j‡ yag‡la g‡m‡ny‡ne y‡kamaangeraav‡ ye'mwannaramyawaaihi‡. Gotiyai tewaanyalyira." Kuda' Eviram‡ gam‡re g‡lyiv‡sa gazabazaba kwala marap‡g‡la'na kya' g‡lyiv‡ta naanga atiraalya wa'd‡'ny‡ Eviram‡

gilyivita piri! Melikizitheki sarina yanga wijaavina ya!.

**21-24** Sothomi maremwaalakei Eviramimi wiда' "Gimti ma'mwaanyangidaasi a'mweraaviji a'mwengiji yanga nyijaama! Gilyivisa gimirrengira." Kuda' Eviramti wiда' "Nemi wapaaya pin niwo. Mi'na niwo'na warana! A'mwe daraai dalyarajti kumirerajti pwara niminyi marigaidaa'na nyawaaihasaraavi gilyivita pinji dumaarya! Sa' Gotiyai nyigaimwadelyira. Giminyi gilyivisa mamaari yideinyira. Nimi sara ya'mujti gimi nadithika 'Nimi Eviramimi a'mwe naangei wimwaahe!' diwa," wiда'.

## 15

*Gotiyai Eviramimi yagaaihiwinya' wijaa!*  
(15:1-21)

**1-21** Divi sagaa! Eviramti waja kya'na! Gotiyai Eviramimi wiда' "Li ka nadikwosidika! Ni'mi giminnyi mwata tinya'na saabyainyibisainyigimaredaavideinyira. Gilyivita naanga gizaavideinyi." Kuda' sa' Eviramti Gotiyari "Nyibwaali' nyijaadeinyi daaka? Kanyijaava'gizi ni'mi kabala'mujti Eliyaizai nyidaayadei ni'mire gilyivita yuya mamaari yadelyira." Mi'na kuda' Gotiyai widina ya! "Eliyaizai gilyivisa mamaari yadengira. Jiwaaali' kaimiraaya pwai kyawakina'gizi gamizai maaradengira. Silingaaminyangjilanganaawa! Silingaaminya kwalaalya warika ke'ningsi jilanganaawa! Gimire kaimiraaya kwalaalya avaaina yima'nipidengira." Sara

kuda' Eviramit "Gotiyai nebwi nyidawa," yawiraka wilimwagara!. Sara kulimwagara' Gotiyai dinya na ya! "A'mwe sai sara yawi'manikei dahaa' a'mwe yida'maraangei wimwaaifiwe'na diwana." Sara dinya na yaka Gotiyai wida' "Giminyi kwaaka Kalithiyadaasi gimakulaabena kwaaka dava gizaave." Kuda' Eviramit wida' "Gotiyaigti, kwaake' nimire' be yawita'na yawiriide'neka?" Widina kya! Gotiyai wida' "Jili kyaawaryara dinya makulaama!" Sara wida'na kya! Eviramit sara yina ya!. Mi'na makulaabaka bulatamaworipu'na yaka wakinna ya!. Yuta maalikeraavi tamakina ya!. Yuta pwara pilavamarina "Miwita tika nyina yaana!" deva sagaa' Eviramit tinna wanganna yaka maririgalaasina ya!. Divedaasi nyilyai walakya'negaa' nyila daavina kya! Eviramit pigasaai waja ya'nyina yaka lika yina ya!. Mi'na lika yina kya! Gotiyai wida' "Eviramit, gitmit a'mwe nei jima'nadeigti sagaa' divaideiginti. Dahaa'na mit!. Gimire kaimiraayara kwaaka pibanna wina yapiji saba mwaabi'derera. Kwaaka saba mwaalyara 'A'mwera kumizara wawinya nedaayipi'dera yaadeinaava,' kadapiji yima'nipi'derera. Wawinya widaayipi'dera kyapiji kwarame naanga 400 kwavilavoji sara yikamaangera yipi'derera. Nimi karama'mujti yigimire kaimiraayara ayawinna widaasabidere. Yi gilyivikiraya kiniji kaanna makabinna yipi'dere," wida!. Mi'na kuda' sawisa' mena kajinna' Eviramit dara wanganake! "Ai, dikemitiwisiangti tinnyyaba danapiraala'manika!" Kada' Gotiyai gannya kiwinya wida' "Kwaaka

davaki sarimnidakaavihirina yihizaawevaki," wida! Gotiyai.

## 16

*Saraayavire widaayade' kaimiraayai milyaa!*  
*(16:1-6)*

1-6 Saraaya' Eviramimire balaanga' kaimiraavimaayasira. Gamire widaayade' Yizipi kwaakebadaa'nyi mwaalake' Ehaasira. Mwaalina kya' Saraaya' Eviramimi wida' "Gimi Ehaavti dimaka! Kamaara'gizi gami niminyne kaimiraayangi miladengira." Sara kuda' Eviramti Ehaavti maarina. Maarina kya' Ehaa' kaimiraavimunya yaka "Nimi munya'nyi a'mwe naange'nyi Saraaya' kaimiraavimaaya' maalikesi," yawi'na. Sara yawi'na kya' Saraaya' Eviramimi wida' "Ehaa' niminyna 'Saraaya' maalikesi,' kunya yawi'na yiwa'di!" Kuda' Eviramti wida' "Gimiresira. Ginnya kunya yawira'gizi sara ja!" Mi'na kuda' Saraaya' Ehaavina similika wilina yaka "Wawinya naanga ja!" dade' kya' Ehaa' "Saraaya' kayaa'na nyivan'i. Nimi kaanna wima!" daka wida' ya'!

7-16 Kaanna wida' yaka a'mwera mamwaalya kuneba aaliyiminyavi sabanna Ehaa' mwalaawi'na ya!. Kamwalaawa' Gotiyare mamaayai ejeliyai wanganaka "Ehaa' aaga' kamwaalika," daka wida' "Ehaa', gazine'ginaka?" Sara kuda' Ehaa' wida' "Saraayavina lika bena bamwaaihena." Wida' kya' wida' "Saraayayawinna jahalaawa! Yagalaawa'gizi gami savi du'nadera. Kale

gyi'wake'gi'nyi gwangamanikelyira Gotiyai. Nabaai kaimiraayai Yizimeli dimide'gi'nyi. Gamzai kavidaayai malakayaawaryaibisai yuyaraavi mala tamina yadelyira. Gimire kaimiraayara kwala naanga yima'nipi'dererera." Sara kuda' Ehaa' dina ya' "Gotiyai nyangadelyira." Dividaa'nyi Eviramit kwarame 86 kwavilava' sagaa' Ehaa' Yizimelimi mila'.

## 17

*Eviramit gannya kilaakejikti gurya da'nyaa!*  
(17:1-27)

1-22 Eviramit kwarame 99 wavilavakeri Gotiyai widi'na "Gotiyainyi diraginyainyira." Gotiyai sara widi'na kya' "Gotiyai naangelyira," daka walaruta'nyina. Walaruta'nyina kya' Gotiyai wida' "Ninnya kiwin'nya' gi'zaavide' gazagaasagaa' nebwi waragothesira. A'mwe gera geraavt kuvintimaangeigijima'nade'na ginnya yaya' Eviraamit wo'nadeiginyira. Gimirera pwara a'mwe naangera yima'nipi'dererera. Sarimire Gotiyainyira. Nimi' sainyi Kwaaka Kainani gimin'yinajt gimirere kaimiraayaraavinajt yihizaavideinyi. Gimijt gimin'yi kaimiraayarajt wawinya gitthaayadivsarajt saihi kilaakejikti pikarya da'nyina jideihilyira. Bwaranyai sawita atina ata puridaaasi dawaai kajinnojti gamire kilaakejikti pikarya davina jideihilyira. Pikarya wanganapijti nimire kiwin'nya' jawiridesira. A'mwe pwai 'Nimire kilaakejikti pikarya madapinera!' kadozi 'Namwaaladika!' dapijti Eviraamitjyaraavi yuyagaa' yagalya'mavaderi

duthaasideleyira. Ginnya balaanga' Seraa' yaya mudika kwo'nojì giminyyina kaimiraayai miladesira. Gamì sa' kuvinaange' a'mwe gera geraavì yima'nadesira." Sara kuda' Eviraami jìka gyaka wida' "Yuya'naai a'mwe ne'naalyi. Seraa' kaimiraayai gara miladevaka? O, Yizimelimina jawi'delyira." Ti'vi'na kuda' Gotiyai widina "Yizimelimi tewanya yide'na a'mwe naangeraavire kuvinimaangei yima'nadelyi. Sa'na kiri' kwarame piri' kwavilavoji' Seraa' kaimiraayai giminyyina kamiloji' 'Aazaki,' duthathei'ginyi. Nabaai gaminyina nimire kiwinya' wijaavideinyi." Ti'vi'na widaka Gotiyai Eviraamimi yagalya'ma'na ya!.

**23-27** Yagalya'ma'na yakegaa' sagaa' Eviraamiji a'mwe yuyaraji kunnya kilaakejiki pikarya da'nyina ye'!

## 18

*Ejeliya daraai dai Eviraamimi angiri'maata yaa!*

(18:1-15)

1-15 Eviraami Maamire yi'daryawi mwaaidi'nyi Gotiyai bwangana!. Eviraami gannya ti'kuryaba mwaalaka a'mwe daraai dalyaraavì wanganaka walyuna yaka ata bwa'nyina yaka wida'na "Nimiji dava dalamwaalyila! Wapaaya aalya sariminyine maarideinyi. Aalya yinapiji' wapaajì napiji' diwideihilyira." Kumì "Yo," sara kude' Eviraami gannya angevi yarai wilina, Seraavi widaka

“Wapaaya yidika ja!” kaanyive’na wawaka jili’kyaaawarya maalika diwinyai maarina. Maarina kya’ widaayadei gurya davina yidika yina yake! Eviraami wapaaya kumaarya’ kumi nyina. Mi’na nyina yeva a’mwera Eviraamimi’ wide! “Gimire balaange! Seraa’ gawi mwaalika?” Sara kude! Eviraami wida! “Angevi wilari!.” Kuda! pwai wida’na “Kwarame mudike’ kwavilavojoji nimti yagalaawi’dehaa’ Seraa’ kaimiraayari miladesira.” Mi’na kuda’ Seraa’ yagaala davwi’ naka yimunna jika gyaka dina “Naarimi sayoinaai a’mwe neyoinaalyira. Kaimiraayai gara milide’nanaka! Nimi a’mwe ne’nyira.” Sara yawi’na kya’ Gotiyai Eviraamimi’ wida! “Seraa’ jika baa’na gyiwaka? Gotiyainyi yuyangti yideinyira. Gamti sa’ diwija’ kwarame piri’ kwavilavojoji kaimiraayari miladesi.” Mi’na kuda’ Seraa’ lika yaka “Ai, nimi jika magyiwa.” Sara kuda’ Gotiyai wida! “Gimi jika gyiwaano.”

*Eviraami Sothomi mwaalyaraavina mala’na marejaa!*

(18:16-33)

16-33 A’mwe daraai dai Eviraamimi’ angevi’daa’nyi “Sothomi angebanneinera,” deva kaanna wi’na. Eviraamiji’ pwalyi’ maalikebanna wi’na. Maalikebanna wi’na kyagi Gotiyai wida! “‘Sothomi mwaalyarajti Gamora mwaalyarajti a’mwe kayaa’nanaangerera,’ sara wi’nadinyarerera. Nimi walanganima! A’mwe kayaa’nanaangereraavti sara wangana’muri nimi tamaki’deinyira.” A’mweraai “Naarimi walaawaka!” dahila walaawina kyagi

Eviraami Gotiyari wida' "A'mwe tewaanyaraj i mwaaipjara nabaai diramakideig i daaka? A'mwe tewaanya nimire ata sivilraai a'mwe pware ata sivilraai a'mwe pware atiraaina (50) mwaaidapij i anga naanga yuyaburaav i diramakideig i daaka? Gim kwaaka yuyavaki maremwaaidinyaiginyi. Gim gazagaasagaa' tewaanna yadinyaiginyira." Sara kuda' Gotiyai widina "A'mwe nyidiwaanyara mwaaidapij i anga naanga yuyaburaav i maramaki yideinyira." Sara kuda' Eviraami Gotiyari a'mwe tewaanya ata sivilraai, ata sivilraai ata pwina saraavina kuda' Gotiyai "Maramaki yidera," wida'. Sara widina kya' Eviraami a'mwe tewaanya ata sivilraai, ata sivilraalyaraavina kuda' Gotiyai wida' "Angeba maramaki yidera." Sara widina kya' Eviraami a'mwe tewaanya ata sivilraai, atiraalyaraavina ayawi kuda' Gotiyai ayawi wida'. Sara widina kya' Eviraami a'mwe tewaanya ata sivilraalyaraavina ayawi kuda' Gotiyai ayawi wida'. Kuda' Eviraami aayagaa' wida' "Niminyina sinna tika magithavanner! Nim i gave pigaalna gitima! A'mwe tewaanya nimire atiraalyara mwaaidapij i anga naangangi diramakideig i daaka?" Mi'na widina kya' Gotiyai wida' "Aawano. A'mwe tewaanya atiraalyara mwaaidapij i anga naangengi maramaki yideinyira." Mi'na widaka Gotiyai kaanna wina ya!. Wina kya' Eviraami gannya angewinna yagalaawina ya!.

# 19

*Sothomî Gamora kayaaka yigalakyaa!*  
*(19:1-29)*

1-3 Sawisaburî Sothomî angeburinna ejeliyaraai walaabahi. A'mwe Lotî tıkuryaba mwaaidî'nyî ejeliyaraai kulaabahi Lotî wîda! "Ata bwa'naana! Nîmire angevîna kaanya wawaaji anga savî wa'mwaraana!" Kuda! ejeliyaraai wîdahi "Aala, mwasaba se wa'mwaraka!" Sara wîdîna kyagi Lotî "Nîmire angevi waraana! 'Aala,' be'na dîwaala? Nîmire angevi wa'mwaraana?" Sa' kuda! gamijî wîlinna yeva wapaaya nyîna ye!"

4-11 Ejeliyaraai "Naarîmî se wa'mwaraka!" dahila yamaze yîna'na yadakîlyî Sothomî mwaalyara kaanna bîna yeva Lotîmî jaka wîdîna "A'mweraai gawî mwaaihîla? Dîmakwalyaama! Nemî saraari ata lîmwanna yaana!" Sara kude! Lotî walyuna yaka kaanya tihi'na ya'. Tihîraka kumînyî wîda! "Sarîmî kayaa'na mipinera! Nîmire taayawaai saaigi'nyawaai mwaaihîlyawaari dîmaarila! A'mweraarinna myawi'pinera!" Mi'na kuda! Sothomî mwaalyara wîde! "Gîmî maaveigînyîra. Nemînyîna gîmî dînemaremwaadeigî daaka! Gîmînyîna naangeva'na kayaa'na yaana! Baa'na nedîwaana!" Sara kude! ejeliyaraai Lotîmî angevi'idaa'nyî mwagi'namaata yagîla kaanya tihi'na yagi. Tihî'na yagîla Sothomî mwaalyaraavî tînna galapînyîwanna kyagi Sothomî mwaalyara tînna mwanganyeava

“Kaanya' gavanaka?” deva deva tìnna  
wanganyi'maa'na ye!.

**12-14** Ejeliyaraai Lotim wıdahi “Gotiyai ‘A’mwe  
anga davanyara kaya'a'na yadivisara daaka?’  
daka yawira!. Anga davidaa'nyi kınidakaavihi  
diwila! Naarim wo'daaina yakadera.” Mi'na  
kudahi Loti a'mweraai gamire taayawaari  
maarya'neraari kaanna wi'na yaka yagaala wi'da'  
“Nem'i yarai likaanya wawaana! Anga dava  
kayaaka yadevera.” Sara kuda' sa' a'mweraai  
kadika mu'nyi yagi la saba mwaalagi.

**15-22** Yırıke' gaai pu'daasiyagaa' dikaa'na,  
ejeliyaraai Lotim yagaala naanga wi'dina  
“Dahaasagaa' nem'i yarai kaanyaana!” Wi'dina  
kyagi Loti kave mwaalina kya' saraai Lotimij  
gannya a'mwevi'ji kirinnya taayawaariji  
“Yarai kaanyaana!” wi'dahila magapırina yagi la  
angebadaa'nyi kaanna makuna yagi. Ejeliyaraai  
wi'dina “Yarai, yarai, ayahi tiğinyima'nya  
mipi'nera! Mugunyavina likaanya jilaawila!  
Nabaibithika!” Sara wi'dina kyagi Loti wi'da'  
“Mugunyavina kaanya yilaawia'na lika yi'wana.  
Angebanna yaya! Sawa ni'mi wi'laawi'jiwana?”  
Kuda' ejeliyaraai wi'dahi “Yo, yarai.”

**23-29** Yarai kaanna wi'na yaka Loti nyiliyai  
gaai bilapij'i'daa'nyiyagaa' anga Sawa wi'lina  
ya!. Wi'lina kya' Gotiyai dikesi sìla di'nakesi  
sangi burıke sırimya'bisa' Sothom wıdina  
angebanna Gamora angebanna wasi'na kya' angeba kayaaka  
yi'na ya!. Wası'na kya' Lotimire balaanga'  
tiğinyima'nya kya' a'mwevi galyewaa'mwanna  
kya' a'mwe' saala yi'ma'nyi'na ya!. Mwanyagaa'

Eviraam*i* Sothomi Gamora angeba dara wanganake! “Ai, yunebanna j̄sa! jimwa!!”

*Lotimire Taayawaai Mawaavirij*i* Amonimij*i* milyei.*

(19:30-38)

30-38 D̄vi sagaa! Loti Sawa angeba mwaalya'nei l̄ka yadaa'nyi gamij*i* gamire taayawaaly*i* mugunyang*i*na kaanna waweva simaangeyaw*i* mwaalina. Mwaaidapij*i* a'mwe s̄raange! gya'mwev*i* wīda! “A'mweraai neh̄maarikade'naai mamwaalyigoi. Neh̄r̄in̄maanger*i* aalya waainiy*i* wījaavakadera. Mi'na wījaavakwoih*i*ri kaimiraaya mīlakade'naarine! s̄innawī n̄mij*i* gamij*i* se waraka! D̄vi ḡimiij*i* se darila!” Sawisavī s̄raange! sara kya! sa! myawirya! Loti. Sawita p̄iri ganyaabulaangesi waragīla sagaa! simunya myawirya!. K̄nadaai sara yī s̄raange! kaimiraaya Mawaavir*i* mīla!. Yī ganyaabulaange! kaimiraaya Amonim*i* mīla!. Savidaa'nyi Mawaavirava Amonimivava yīma'nyi na ye!.

## 20

*Eviraam*i* Avimilekimi kwaasi wījaa!*

(20:1-18)

1-7 Eviraam*i* Yidarya Maamiredaa'nyi Kwaaka Geraanei kaanna wīna ya!. Wīna yaka ayagaa! a'mweraavine'na l̄ka yaka wīda! “Seraa! nya'mwesira.” Sara kuda! Avimileki Geraa maremwaaidei Seraavī gannya angevī waka!. Sawita sagaa! waja! kya'na! Gotiyai wīda!

“A'mwe pware balaange! ma'mwaana. Sayaba d̄ivaideiḡinȳira.” Avimileki Seraavi kwala mamaaryaka Gotiyari wida' “N̄im̄nȳiji n̄im̄ire maremwaaid̄inyaraavij̄i d̄iramakij̄iwaana? Ev̄iraami nyid̄iwa'd̄i! ‘Gami nya'mwes̄ra.’ Nabaai Seraa! nyid̄iwa'd̄i! ‘Ev̄iraami nya'mwelȳira.’” W̄id̄ina kya! Gotiyai wida' “Sa' yawi'mwa. Gim̄nȳine ‘Avimileki kayaa'na nyad̄i! Seraavi mamaaranner!’ dena navika ḡimwaaihe. Ev̄iraamim̄ine Seraavi ayawi dumaarya! Gami sai n̄im̄nȳine wida'delȳira. Gami ‘Avimileki nabaland̄ka!’ dozi Gotiyainȳi yagaala nyidathera,” wida' Gotiyai.

**8-18** Mwanyavi Avimileki Ev̄iraamim̄i jaka wida' “Kaajo!” Ev̄iraami kaba' wida' “Nem̄ ḡim̄nȳine kayaa'na myadaanyainera. Sa' baa'nebwi ȳivaniḡina?” Sara kuda' Ev̄iraami wida' “‘A'mwe davanyara Gotiyarebur̄i myad̄iv̄isarera,’ dena ‘Seraa! nya'mwes̄ra,’ yih̄ith̄iwa'deinȳi. ‘Nȳiramakip̄i'de'na Seraavi maapi'dera,’ dena yih̄ith̄iwa'deinȳi. Gami za' n̄imware taaya' mwaalaka niwaavire taaya' mamwaalyi kya' n̄imi maare.” Mi'na wida' kya! Avimileki Ev̄iraamim̄ina Seraavi w̄ijaavina ya!. Nabaai wawinya yad̄iv̄isaraavij̄i jil̄ikyaawaryaraavij̄i w̄ijaavina ya!. W̄ijaavaka wida' “Dava n̄im̄ire kwaake' warikeba ḡim̄ire kunyavidaa'nyi ‘Gim̄ire kwaaka warikeba mwaali'ma!’ da'ḡizi dimwaala!” Avimileki sara kuda' Ev̄iraami Avimilekim̄ina Gotiyari kuda' Gotiyai gam̄nȳiji gannya a'mwengij̄i tewaanna ya!. Mi'na kya' aya'na Avimilekim̄ire a'mwe

kaimiraayang*i* m*ile*!

## 21

*Seraa' Aazakim*i* miya*a*!*  
*(21:1-8)*

<sup>1-8</sup> Ev*raam**i* kwarame 100 (waani aadireti*i*) w*avilavakei* kaimiraayar*i* kyawak*ina*<sup>1</sup> Got*yai* sara wi*dake*<sup>1</sup> Ev*raam**i* “Gannya yaya! Aazaki,<sup>1</sup>” wi*da*<sup>1</sup>. Aazaki saw*ita* daryaai daryaai daryaai dar*i*<sup>1</sup> kaj*inna*<sup>1</sup> gan*imaangai* gam*ire* k*ilaakevi* pi*karya ya*<sup>1</sup>. Seraa' wi*da*<sup>1</sup> “Got*yai* ni*minyina* tewaanna y*inikelyira*. Ni*miji* ni*mire* a'mwely*i* sa'naai a'mwe ne'naai kaimiraayar*i* maaroi. A'mwe a'mwera j*ika* maregy*ipi*'dely*ira*,” wi*da*<sup>1</sup>.

Seraa' Aazakim*i* aamunya mujaay*i* yakegaa<sup>1</sup> Ev*raam**i* munne naange<sup>1</sup> ya<sup>1</sup>.

*Ev*raam**i Ehaasi Yizimelij*i* sawaari wi*dasaa*!*  
*(21:9-21)**

<sup>9-21</sup> Ehaav*ire* kaimalei Y*izimeli* Aazakim*i* maanga dada mala tam*ina* yadaa'ny*i* Seraa' wanganaka Ev*raamim*i** wi*da*<sup>1</sup> “Ehaasi gam*ire* kaimiraayaly*i* sawaari duthaaso! Gi*mi* bala'gi*zi* ‘Y*izimeli* ni*mire* gi*lyivisa* namaarad*ika*!’ da'gi*zi* duthaaso!” Mi*na* kuda<sup>1</sup> Ev*raamim*i** gannya kaimiraayaryaba kale wia<sup>1</sup>. Kale wiadaa'ny*i* Got*yai* wi*dina* “Ehaasi Y*izimelij*i** sawaari*na* kale magyannera! Di*vi* sagaa<sup>1</sup> gi*mire* kaimiraaya Y*izimelim*i*re* kwala naanga y*irivadeng*i**. Sa<sup>1</sup> Aazaki j*awaalivaanga* nebulyai naangely*ira*.” Y*irika* kavura<sup>1</sup> Ev*raam**i* Ehaav*ine* wapaaj*i* aalyas*i* wi*jaavaka* wi*da*<sup>1</sup> “Dahaa<sup>1</sup> di*wila*!” Kuda<sup>1</sup> k*inaai* yagalya'ma'na yagi*la*

kaanna kaanna yamaryagiла kwaaka kayaa'na naanga Biyazivana y'i'ma'na. Y'i'ma'na kyagi d'vidaasi aalitala kune' wa'disi yita maalikiki yikaavilyavi Ehaa! Yizimelimi yagalya'mavaka piba mwaalina ya!. Mwaalakebadaa'nyi dina "Nimire kaimalei baladeri tinna nangamudika!" dena yikaavilyavi mwaaidisi piba mwaaimwa." Sara dina kya! Gotiyare mamaayai ejeliyai Ehaavi jaka widina "Li ka minnera! Yizimeli kinna dadaasi wi'niwa. Gam mwaalajare kwala naanga yadengi." Sagaa! Gotiyai aaliyiminyavi yibwaridaakwa!. Kyibwaridaakwa! Ehaa! aalya yirina yaka gawaalivit wirina ya!. Yizimeli a'mwei yima'naka Kwaaka Paraanit mwaala!. "A'mwe Yizipi mwaalya' maarana!" Ehaa! daka maaraka Yizimelimi na wijaava!.

*Eviraami Avimileki "Nya'mweigii," dinyaei.  
(21:22-34)*

22-31 Avimilekiji gannya a'mwe naangelyi saraai Eviraamimywainna bahila widina "Gotiyai git haimwadelyira. Giminyine ja'mweinyi yima'nigeinyira. 'Yuyagaa' ja'mwei yima'nideinyi,' nebwina nyidana! Kwaasi nadithika!" Sara widina kya! Eviraami wida' "Avimileki, ja'mweinyi. Sara diwaanya' gimire git haayaadivisara nemire aalibunyav kuka ma'mwaava." Kuda! Avimileki "Nimi mujiveinyira," yawiraka wida' "Yagaala da! myawiriwana." Sara kuda! Eviraami jiliikyaawarya Avimilekimi ne wimaarya!. Nabaai sipzipiya diwinya dawaai dawaai dawaai da' gavinya piba wimwaaihina ya!.

Wimwaanihina kya! Avimileki wida! “Sa gavinya piba be’na wimwaihiwaana?” Mi’na kuda’ Eviraami widina “Sipizipiya sa dimaa’dengina a’mwe pwara yawipi’de! ‘Eviraami aalihavi’ ninnya’ likinikesira,’ ” wida!. Savidaasi kwaakavine yaya! Biyaziva widina ya! Eviraami.

**32-34** Eviraami mi’na kya! Avimilekiji gamire a’mwe naangelyi saraai kirinnya Kwaaka Pilizitiyana wina. Kaanna wina kyagi Eviraami “Gotiyai gazagaasagaa’ mwaaladelyira,” daka Biyaziva yita diraginya burinna yaka Gotiyarina yileyagaala wida!.

## 22

*Gotiyai Eviraamimi wijaa’ “Aazakimi nyijaamo!”*  
(22:1-24)

1-19 Dividaa’nyi Gotiyai daka “Eviraami gara yadelaka?” wida! “Aazakimina yilaaya naanga yadiyaiginyira. Gaminyi Moraaya kwaakevina dimakwodeiginyira. Mugunya sawi Aazakimi dikevi dimarira’delyira. ‘Gotiyarina wijaa’deinyi,’ di thadeiginyira.” Mi’na kuda’ yirike’ kavura! Eviraami jili’kyawarya dogiyawi dikiraya yilakina kya! Aazakiji wawinya widaayadisaraalyi gamiji wina. Kaanya kuna yadaa’nyi sawita piryaaai kajinna’ Moraayana kwaaka yi’mavaawina ye! Yimavaawina kye’ Eviraami wawinya widaayadisaraari widina “Dava jemwaalyila! Nimiiji kaimiraayalyi sainaai mugunyavina yilaawaka! Gotiyarina widakadera. Mi’na widakwoihiri naarimi yagalaawakadera.” Sara widina yaka Eviraami

kwaari'matası dikesi yengwıtavamakuna ya!. Aazaki dıkiraya makuna ya!. Kaanna yılaawına yadaakiri Aazaki Evıraamımi wiда! "Nımwai, jılıkyaawarya Gotiyarine wıjaavakadei gavanako?" Kuda! Evıraamı wiда! "Nyıbwaali!", Gotiyai jılıkyaawaryarı nehızaavadelyıra." Sabanna yılyı'mavaawına kyagi Evıraamı simińye' lıvalaabaka dike yabılıngaka Aazakımi wiła marapwıyına yaka dika yabılıngakevi a'badaa'nyı yılamaarakına yaka kwaari'mata maarına yaka dına "Nımi daakwıma kwaari'mata dası!" Kada! Gotiyare ejeliyai jaka wiда! "Jıwaalıvi maramakınnera! 'Dahaa! Evıraamı nımirebwi yadelyıra,' daka Gotiyai gımińyına yawı'mwa!". Mi'na wiđına kya! Evıraamı tınna dara wanganake! "Jılıkyaawaryarı yısıkı gıla'mwanna'na yıwake' daaka!" Gawaalıvi wiłyı' yaarına yaka gıla'mwanna'dı'nyıyai maarına yaka tamına yaka simińyevi yılamarakına yaka dika yıra'na yaka Gotiyarı wina ya!. Evıraamı yıleyagaala wiда! "Dava Gotiyai nejaavaderyaba." Nabaai Gotiyai Evıraamımi jaka wiда! "Nınnya yaya'na gıthıvanıge! 'Nyıbwaali' Aazakımi Gotiyarına wıjaavıma!" diwaanya'na gımiře kaimıraayara sılıngaamınya yuyabisara kwala naanga naanga yırıpi'derera. Yı kumiř sara kunnya y' kamaangeraavi maremwaaiibı'derera. Yı kumińyına nımi a'mwe kwaakevaki mwaalyaraavıne tewaanna yıderera," wiда! Gotiyai. Mi'na kuda! Evıraamıji Aazakıji walaabına kyagi Evıraamımiře wawınya yadisaraalyı ayawı Bıyazivana bına ye!.

**20-24** Dìvi sagaa! Evìraamìmì wì'na! “Naawo jìthaakaangei gawaalìvaanga a'mwere sìvìlìraai ata purìdaa'nyì pwaraalyaraavì yawakìna!. Gawaalìvaanga pwai Betìyìwelì taaya Revekaavì yawakìna!,” wì'na! Evìraamì.

## 23

*Seraa'balyaa!*  
(23:1-20)

**1-20** Seraa! kwarame 127 kwavìlava! Evìronì angeba bala!. Kabala! Evìraamì kìnna dìna. Mi'na kìnna dìna yaka Evìraamì Etìyaraavì wìda! “Kwaaka da' nìmìre' daaka! Mudìkeinyìra. Nìnnya a'mwe' wakìde'na kwaaka pìrì' nyìjaayìla!” Sara kuda! Etìyara wìde! “A'mwe naangeigì, nemìre gìlaaya wakadaanyaba saba gìnnya a'mwe' dakya tewaanyaba!” Sara kude! Evìraamì “Su!” daka wìda! “Simaanga Maakìpela sabanna nìgwìmubya yìhidera.” Kwaaka savì gyakwai Epìronì Evìraamìmì wìda! “Gazare wìjaavìna yìdeinyìra.” Mi'na kuda! “Kwaaka'na nìgwia gìzaavìdera. Nìgwia gara gara gìzaavìjìwano?” Epìronì wìda! “A'mwera ‘Gìlaaya wakaana!’ dadìvì! 90 kinaaya mubadìvìsasìra. Nya'mweigì nìgwia warana! Gìnnya a'mwe' dakya!” Sara kuda! Evìraamì Epìronìmìne nìgwia wìjavadaa'nyì a'mwe yuyara banganara!. Kwaaka mi'na mubaka Maamìre kwaaka saba simaangevi Seraavì waka!.

## 24

*Aazaki a'mwe' maryaa!*  
(24:1-67)

<sup>1-9</sup> Eviraamit a'mwe nei mwaalaka gannya wawinya widaayade naangeri jaka widaka widina "Nimire kaimiraayarine a'mwe' dumaaridera. Kainani mwaalyaraayawinna munnera! Nimire avaalyaraayawinna kaanya wawa'gizi dimaraawide. Yagaala naanga' Gotiyaryaba 'Eviraamig nyidawaanya' sara yideinyira,' nyidana!" Widina kya' wawinya widaayadei yagaala Eviraamit widake wida' "A'mwe' 'Sabanna kaanna mwiyt yide'nyt,' kanyidozi gamire kwaakevinna Aazakimi makabina yideinyt da?" Sara kuda' Eviraamit widina "Arikawinyira. Ninnya kaimiraayai mamakunnera! Gotiyai gannya mamaayari yaasina kyoji gami giminynine tewaanna yadelyira. A'mwe' 'Aalo,' kadozi, 'Kaanya muwinera!' kagithozi gimirre wawinya milnanyira. Waramaryana!" Mi'na widina kya' wawinya widaayadei wida' "Gimi dimaanyabwi yideinyira."

<sup>10-14</sup> Eviraamitmire widaayadei kaanya wawaka narinna, niggwia, gitlyivita naanga maaraka kaameliya atiraalyangit gitlyivisa yilamarakaka kaanna makuna. Makuna yaka kwaaka Mezapotemiyana yi'mavaawina yaka angeba Aaranit aalikavi'ninnyayaba mwaalinna. Gamire kaameliyara sivila tika'na aalikavi'ninnyayaba mwaalinna. Mwaalinna kya' Eviraamitmire widaayadei Gotiyari widina

“Gotiyaigt, Eviraamimine tewaanna yija' gimore asirina wi'ma! Davanya sidiraaya aalikavi' ninnayavina kulaabapiji sidiraaya piri' kulaabozı 'Aalya' dinya'rya!' sara kuda'mujı aalya' nyiryojı nabaai nimire kaameliyaraavine aalya' kwiryoji yawi'na yidera 'Aazakimine' daaka a'mwe dava!' dideinyira, "wida!"

**15-25** Gotiyari widadaa'nyiyagaa' sidiraaya Revekaa' aalya'na bi'na. Sidiraaya sa' nawi'nya' kwala mamaarya' mwaalina yakesi. Eviraamimire wawinya widaayadei wanganaka wida' "Aalya' nyiryaama! Ni'ma!" Mi'na kuda' Revekaa' aalya' yarai yirina yaka wijaavina. Sara yaka wida' "Nabaai gimore kaameliyaraavine aalya' piri'si wirima!" Sara wida'ke' yadaa'nyi' Eviraamimire widaayadei tinna wangana!. Revekaavine sinna kaditaavarya giliraka wijaavina yaka wida' "Gimaamaangei aaihware'ginaka? Gimaamaangere angevi' gavinyavi nimi' mwaalideinyi dingaka?" Kuda' Revekaa' wida' "Betiyiwelimire'nyira. Naawomi balaange' Milkaa' gamizai mila'. Ni'mware anga wapaaya wa'devi dimwaaideiginyira," wida'.

**26-27** Eviraamimire widaayadei "Gotiyai naangeiginyi," daka tutu'nyina yaka wida' "Eviraami gu'nadelyira. Nyimaremwaaiderine tewaanna yagi'na gamiji' avaalyaraavina nyibwaridakawaana," wida' Gotiyari.

**28-31** Revekaa' "Niwaav'i widima!" daka kaanyive'na wi'na. Divi gathaakaangei Laivanı aalibunyayabanna baka wida' "Ata bwa'naka! Kaajo! Nemire angevi tewaanya

yìwevì dìmwaalo!” Sara kuda' Evìraamìmìre wìdaayadelyì Laivanìjì wawagi.

**32-49** Laivanì kaamelìyaraavìne wapaaya wìmaarina yaka aalya yìnya'nesì wapaayajì maarìna yaka Evìraamìmìre wìdaayaderì wìjaavìna ya!. Wìjaavìna kya' sa' wìdaayadei wìdìna “Sìnnawi sagaa' Nìmì wìlaabena nìmìre wawìnya! berìvaka?” dena dìnyu'nyi! Nìmìre dìwìjavì kanyu'napijì nìmìt wapaa nìdera. Evìraamìmìre wawìnya wìdaayadìnyainyì naangeinyì Gotìyai Evìraamìmìne tewaanna kya' gìlyìvìkìravìnakelyìra. Seraasi Evìraamìjì a'mwe neyoi kyìma'nagi Seraa' kaimalei kamìla' kaimalerì Aazakì yaya' wo'na!. Evìraamì kabalojì Aazakì gìlyìvìta yuya maaradelyìra. Evìraamì nyìda' ‘Kaanna wìja' nìmìjì avaalyaraavìreba Aazakìmìne a'mwe' dìvìramaa! Gotìyai gìhaimwagadeigìnyìra. A'mwe' kagìthozì “Kaanna mwìyìt yìde'nyì,” wawìnya gìmìre' mì!, sara nyìda' Evìraamì. Nìmì aalìbunyayabanna bena Gotìyarì wìdìwa ‘Aazakìmìre balaanga' yìma'nadevi nyìbwarìdaakwia!’ Kudìwa Gotìyai Revekaavì nyìbwarìdaakwìwa!. Evìraamìmìre gawaalìvìne a'mwe' Revekaa' dumarijìwaa? ‘Nìmì yawìriide'na kìrìmìre simunya yawì'dita nyìjìla!' Nìmì yìhu'nìma!” wìdìna ya!.

**50-61** Revekaavìre ganìmaangei Betìyìwelìjì Laivanìjì sanìdaai wìdahi “Gotìyai dara yake' naari'mì yagaala madakanera! Revekaavì dìmakwona!” Mi'na kudahi Evìraamìmìre wìdaayadei gìlyìvìta naanga yanga muda!. Mwanyavì “Nìmì wìma!” dadaa'nyì

Revekaavire ganaangesi gathaakaangelyi wıdahi "Dava sawita atiraai mwaalakiri diwidewaaihılyi." Sa! Eviraamimire widaayadei wıda! "Aala. Dahaal kaanna wıdera." Sara kuda! Revekaavı wıdahi "Dahaal gamıji diwijıwaa?" Revekaa! wıda! "Nımi kaanna wıdera." Sara kuda! gya'mwelyi ganaangesi sawaai wıdahi "Gımi kaimıraaya kwala naanga maa'dızara kunnya yıkamaangeraavi maremwaaibı'derera." Mi'na kudahi Eviraamimire widaayadei Revekaavıji gamire widaayadıvısangıji maarına kya! kumi kaanna wına ye!.

**62-67** Piıgaa! sawısaburi Aazaki wawınyavi mwaalaka dara wanganake! "Kaamelıyara keibanna jınigava!" Aazaki wangadaa'nyi Revekaa! gamızarı wanganaka bwalaawına yaka Evıraamimire widaayaderi wıda! "A'mwei aaihwalaka?" "Aazaki gımıre kwalaangelyıra." Sara kuda! Revekaa! kawaaka yı'na!. Wıdaayadei Aazakımi gamı yake! wıda!. Mi'na kuda! Aazaki Revekaavı gannya angevi wımwaaihına kya! a'mweyoi mwaalagi.

## 25

*Evıraamı Keturaayavi kwala maryaa!*  
*(25:1-6)*

**1-6** Evıraamı a'mwe pırı! Keturaaya! kamaara! gawaalıvaanga daraai daraai daraai mıla!. Gawaalıvavaavı yaya ge! ge! wıda! "Pwai Sımiranı, pwai Jokızaanı, pwai Methaanı, pwai Mıthıyanı, pwai Yızıvaakı, pwai Sıwaa." Yaya wo'nıkera kamwaale' dividaasa!

Keturaayavireraavi Eviraamit gilyivita pwaripiri'na, pwaripiri'na wimaaryaka widaasaka gannya gilyivita yuya Aazakimina wijaava'!

*Eviraamit balina yaa!*

(25:7-11)

7-11 Eviraamit kwarame 175 kwavilava' bala'. Kabala' gawaalivaangeraai Aazakijit Yizimelijit saraai Maakipela simaangevi Eviraamit Seraavi wakakevi wakagi. Yi Gotiyai Eviraamitmene tewaanna sara yake' yi Aazakimine tewaanna sara ya'. Tewaanna yadaa'nyi Aazaki aalibunya Laa'eroi saba mwaala'.

*Yizimelit balina yaa!*

(25:12-18)

12-18 Yizimelit kwaaka Yizipi pimagi mwaalyai kuvinimaangei gawaalivaanga siviliraai ata puridaasi pwaraalyaraavi wimwaaisha'. Yizimelit mwaalakei mwaalakei bala'.

*Revekaa' Jaikopijit Yizolyi saraari milyaa!*

(25:19-26)

19-26 Aazakimire a'mwe' Revekaa' kaimiraavimaaya' mwaaidi'nyi Aazaki Gotiyarit Revekaavinna kuda' a'mwe kaimiraavimunnake' mwaala'. Kaimiraavimunnaka' kamwaala' Gotiyai wida' "Bwaranyaraai pwaraainesi. A'mwe saraai yi pwai a'mwe pwaraavi kuvinimaangei yima'nadelyi. Yi pwai a'mwe pwaraavi kuvinimaangei yima'nadelyira. Pwai diraginna kamwaaloji pwai kibawana mwaaladelyira. Siraangei diviyarine wawinya widaayadelyira," wida' Gotiyai. Dividaa'nyi Revekaa' avaalagaa' bwaranyaraai pwaraai

maara!. Kamaara! “Siraangarine yaya! Yizoi dìviyai Jaikopì,” sara dahi.

*Siraangei Yizoi mubyaina “Gimi  
siraangeiginyira, ”wija!*  
(25:27-34)

*27-34* Kídaraai a'mweraai kyima'nagi yi Yizoi yikuriyaawihaya'na yakelyi. Yì Jaikopì gannya wawinyanna yìwaainada angebanna mwaaidelyi. Yìkuriyaawia kamaara' waburya'na wiakei Aazaki Yìzori yilaaya marina ya!. Revekaa' Jaikopìmi yilaaya marya!. Pi'gaa' Jaikopì yìwaadabe yiraaina yakegaa' Yìzoi mijika wiakei yì'daryavidaasi wilaaba!. Wilaabaka Jaikopìmi wida! “Wapaaya wayaaka piri! nyijaama!” Mi'na kuda' Jaikopì wida! “Sinnawi sagaal siraangebwina gi'mubima! Nimi a'mwe naanga yima'nideinyi,’ dena gitihwa.” Yìzoi wida! “Mijika naanga nyìwake'na nimi kabaimudikeinyira. Nimi a'mwe naangeinyi dadinyainityi dahaa' aawano. Nimi a'mwe naangeinyi mamwaalyi yideinyira. A'mwe naangannya' waramaryana! Sa' maalikesira.” Sara kuda' Jaikopì wida! “Kwaasi yagaala nanyidithika! Naange'na nyidana!” Sara kuda' Yìzoi sara ya!. Mi'na kya' Jaikopì wapaaya kujaava! Yìzoi na!.

## 26

*Kwaaka Pilizitiya mwaaidinyi Gotiyai  
Aazakimi tewaanna yaa!*  
(26:1-16)

**1-6** Kwaaka Kainani Aazakî mwaaidi'nyi  
mijika wiadaa'nyi Kwaaka Pilizitiya wawaka  
Geraa angebanna yi'mavaawina ya!. Sagaa'  
“Avimilekî kwaaka da' maremwaaidelyi,”  
widesalyi. Gotiyai Aazakimî wida! “Dava  
dimwaai! Yizipina munnera! Nimirre yagaala  
gimaamaangei Eviraamimî wida! tewaanna  
yakerine yagaala sa' gimi'ji kaimiraayarari  
gimi'nyinajî tewaanna yihyideinyira.”

**7-11** Aazakî mwaalaka Avimilekîmî wida!  
“Revekaa' nya'mwesira.” Dîvidaasi Avimilekî  
dara wanganake! “O, Revekaa' gannya  
balaange! daaka!” daka Avimilekî wida!  
“Revekaayaba be'na nedahîna! Kwaasi  
yagaalya! ‘Nya'mwesireva,’ nedahî.” Mi'na sara  
kuda! “A'mweraavina lika yena yihi'the.” Mi'na  
kuda! Avimilekî gannya maremwaideraavi  
yagaala naanga wida! “Aazakimijî Revekaavijî  
sawaarî mipinera!”

**12-16** Aazakî Pilizitiya mwaalaka witizila  
burinna kya' savidaasi sîla naanga kyi'na'  
maara!. Nabaai gamire jili'kyawarya kwala  
naanga yi'ma'nyina ye!. Pilizitiya mwaalyara  
dara wanganesa! “Ai, Aazakimire gilyivita  
naangengira.” Deva aalibunyavî kwaake'  
maryabis'i'na ye!. Maryabis'i'na kye! Avimilekî  
Aazakimî wida! “Gimî diraginyaiginyira. Dava  
dihalya'maka!”

*Aazakî aalibunya likyaa!.*

*(26:17-33)*

**17-25** Avimilekî ‘Dihalya'ma!!’ kuda!  
Aazakî kaanna wawaka Geraa taawalyawi

mwaala!. Saba Eviraamि mwaalakegaa'! gamire widaayadivisara aalibunya like'. Sinnawi Eviraamि kabala' Pilizitiyara kwaaka maryabisii'na ye!. Aazaki ayawi dividaa'nyi jiripwasii'na!. Aazakimire widaayadivisara aalibunya likeva dara wanganesa' "Aalya' dalyuvanika!" desagaa' Geraa mwaalyaraavii senna tika naanga widaava!. Kudava' Geraa mwaalyara wide! "Aalya da' nemiresira." Sara kude! Aazakimire widaayadivisara aalibunya piri' like!. Kalike' Geraa mwaalyara ayaba "Nemiresira," kude! Aazaki wawaka aalibunya piri' lika!. Mi'na kalika' sagaa' a'mwera kave mwaalina ye!. Kave mwaalina kye' Aazaki da' "Gotiyai tewaanya nemwaaihakebanyira." Dividaasi Aazaki kwaaka Biyazivana wawaka kamwaala' Gotiyai gaminyine tewaanna ya!. Aazaki tewaanya mwaalaka siminye' laabaka dike' yiravaka jilikyaawaryari wakaka Gotiyarina yileyagaala da!.

**26-33** Dividaasi pigaa' Avimilekiji gannya a'mwe naangelyi saraai wawagiла widaahi "Gotiyai gitmiji yuyagaa' mwaimwaai. Neminya'mwana dinaadera," widaahi. Mi'na kudahi Aazaki tika munne naanga yavigala'. Mwanyavi sagaa' nya'mwana dine!. Kadine' Avimilekiji a'mwe naangelyi saraai kaanna kwawagi Aazakimire wawinya widaayadivisara Aazakim i wide! "Aalibunya piri' kaliktwo aalya yiri'na yivanii!." Aazaki wi'naka "Nimiiji Avimilekiji yagaala tewaanya dimwaai," daka "Aalibunya sa' Siva dideinyira," wida!.

*Yizoi a'mwe Etiyawaari maryaa!*

(26:34-35)

34-35 Yizoi Etiyaraavirebanna wawaka  
Biyariyare garaavaanga' Juthit+ maarina.  
Nabaai Elonimire garaavaanga' Baazimat+  
maarina. A'mwewaaai maavewaari kamaara'  
Aazakimij+ Revekaavij+ sawaar+ kale wia'.

## 27

*Aazaki Jaikopim+ yagaala tewaanya' wijaa!*

(27:1-29)

1-4 Aazaki a'mwe nei tinna mwanganyina,  
Yizor+ jaka widina kya! Yizoi wilaabina  
kya' wida! "Nimi+ a'mwe neiny+ maalikegaa'  
balideiny+ dingaka? Naangegaa' balideiny+  
dingaka? Mwata mwaryaginya dimaa!  
Yidaryawinna wawa'gizi yikuriyaawia  
nyibalayaawa! Yikuriyaawia maara'gizi  
niminy+ne waburya'n na m+wi+ta tewaanya  
diviraaya! Nimi+ mi'na na'muj+ gimininy+ne  
yagaala tewaanya' gitidera."

5-17 Yizoi yikuriyaawihaya'nei kaanna  
kwawa! Revekaa! Jaikopim+ Aazaki widake'  
aya wida!. Mi'na widaka wida! "Nimire  
diwija'na ja! Jilikyaaawarya maalikewaari  
memeyawaari dimaa'de'na nimi+ m+wi+ta  
tewaanya gimaamaangerine piraayidera.  
Kaviraaya'muj+ gimi+ maara'gizi duzaade.  
Gami+ noji+ yagaala tewaanya' gitathelyi."  
Sara kuda! Jaikop+ wida! "Nyidaakaangei  
Yizoi kwazaaki'nakely+. Nimaamaangei  
awaarimaayainyi nyimwanganoy+ 'Jaikop+  
kwaasi yivanika,' dozi+ yagaala tewaanya'

manyijji nanyadika! Yagaala kayaa'nanaange' nanyidathika!" Sara kuda' Revekaa' wiда' "Yagaala kayaa'nanaange' gitthozi niminyi nyidathesi. Nimiresira. Sa' diwija'na ja!" Sara kuda' Jaikopi sara kya' miwita piraayina ya'. Piraayina yaka Yizore kannyila tewaanya maaraka Jaikopim marirakuna ya!. Marirakuna yaka memeyavi kilaake' asawaari tilinnyav marabaazi'makwina ya!. Mi'na yaka Jaikopim Aazakimine wapaaya wi'maarya!.

**18-29** Wapaaya kumaarya' Jaikopi Aazakimywainna wawaka wiда' "Nimwai!" Mi'na kuda' Aazaki wiда' "Nyibwaalit' aaihwaigina??" "Yizoinskyi gimirre siraangeinyi gimi sara nyidiwaanya' sara yiwa. Dahaal nimire yikuriyaawia dinana! Mi'na na'gizi yagaala tewaanya' nyidatheinyi." Mi'na kuda' sa' Aazaki wiда' "Yikuriyaawia yaraina yaraina gara tamwaana?" Jaikopi wiда' "Gotiyai kanyijaawa' tamwengi." Aazaki wiда' "Davanna divama! Gimwanganima!" Sara kuda' Jaikopi binna kya' Aazaki ata mwanganna yaka wiда' "Jaikopimire maanguraaya' gu'nena gimwangamwa. Gimire asa' Yizore'bini nanyasira. Yizoigi daaka?" Sara kuda' Jaikopi wiда' "Sahwainyira." Aazaki wiда' "Nyidiwaanya' yikuriyaawia nyijaama! Nimi niima! Mena na'muj yagaala tewaanya' gitthidero." Aazaki kuda' Jaikopina kujaava' Aazaki miwitaj aalya waainiyasi naka wiда' "Dava divama! Yilaaya marinaka!" Mi'na kuda' kinidaai yilaaya marinagi. Aazaki gamire baazi'ma'nya

kannyīla t̄irinya winnaka yagaala tewaanya'na w̄id̄na "Ḡim̄ire baazī'ma'nya kannyīla Gotiyai wapaaya tewaanya ȳir̄vadiwakebadaasī wawid̄riñyav̄i winniwa. Gotiyai ḡim̄inyine bur̄ke' wījaav̄ina, silīja wījaav̄ina, kwaaka tewaanya wījaav̄ina gyadeiḡnyī. Ḡim̄ire wawin̄yav̄i t̄ika munne naanga ḡiryadenḡi. A'mwe pwara ḡim̄inyī ḡithaayip̄ī'dera ȳma'napij̄i 'A'mwe naangeiḡi,' ḡithip̄ī'deiḡnyī. Ḡim̄i naangeiḡi j̄ma'nadeiḡnyī ḡim̄ij̄yara maalika ȳma'nip̄ī'dere. Nabaai ḡim̄ij̄yara 'A'mwe naangeiḡi,' ḡithip̄ī'deiḡnyira. A'mwe pwai yagaala kayaa'nanaange' kaḡithoz̄i gannyas̄ra. A'mwe pwai yagaala tewaanya' kaḡithoz̄i gannyas̄ra," w̄ida' Aazakī.

*Ȳzoi dara wīnyaake! "Aazakī Jaikop̄im̄i yagaala tewaanya' duth̄ivanika!"*  
(27:30-40)

30-40 Aazakī kuda' Jaikopī wīna kya' avaalyagaa! Ȳzoi wapaaya maar̄na yaka b̄na yaka ganimaangerī w̄ida' "Yaawia ḡim̄inyine maa'mwe dinana! Mi'na na'ḡizī yagaala tewaanya' nyidathera." Sara kuda' ganimaangei w̄ida' "Aaihwaiḡinaka?" "Ȳzoinyira. Ḡim̄ire s̄raangeinyira." Sara kuda' Aazakī bī'bita wida w̄ida' "Wapaaya aai nyijaawaka? Nena w̄idiwa yagaala tewaanyawo. S̄innaw̄i yagaala tewaanya mi'na w̄idena dīvidaa'nyī mud̄ka wīja sa' aawano." Mena kuda' Ȳzoi k̄inna daka w̄ida' "Nabaai yagaala tewaanya piñī nyidana!" Sa' Aazakī w̄ida' "J̄hwaalaangei kwaasī kanyid̄wa' w̄idiwa 'Ḡim̄i a'mwe naangeiḡnyī. Ja'mwei

wabelyi. Gimire kaimiraayara gamireraaví maremwaabi'dere,' wiðiwa. 'Nabaai gamire wawinya tewaanna yadengi,' wiðiwa." Sara kuda' Yizoi kinna maredina yaka wiða' "Niminyine yagaala tewaanya piri'na nyidana!" Aazaki wiða' "Kwaaka kayaa'nanaangeba burika maalika yadeva saba dimwaaideigiyi. Giminne wapaayanna mala diradeigiyi. Gimti jihwaalaangerine duthaayideigiyi. Sa' dividaasi yagalya'makuna jittheigiyi."

**41-46 (-)**

## 28

*Aazaki Jaikopimi Aaran angewinna wiðasaa!*  
(27:41-28:5)

**1-5 (27-28:5)** Jaikopi sara kya' Yizore sinna tīka naanga kudava' da' "Jaikopimi mala tamideinyira." Yawita sara kya' Revekaa' dara wanganake' "Yizoi Jaikopimi mala tamadei daaka!" Daka "Jaikopimi pibanna wiðaasima!" da'. Mi'na daka Aazaki wiða' "Yizoi a'mwe Etiyawaari maarake'ne' Jaikopi sara nyadika!' dena gitihwano." Tivi'na kuda' Aazaki Jaikopimi jaka wiðina yaka yagaala tewaanya' wiðaka wiðina "Kainani mwaalyaví mamaa'dinnera! Laivan jaakaangere kaimiraaya' dimaa'deigiyi. Gotiyai kaimiraaya naanga gitzaavadeigiyi. Gotiyai Eviraamimi wiða' 'Kwaake' gitzaavideinyi.' Widaka kwaaka dava giminijji gimirre kaimiraayaraavijji saihirine yihitzaavadesira." Aazaki mi'na wiðina kya' Jaikopi kwaaka Aaran sawi Laivan mwaalakewinna wawa!.

*Yizroi a'mwe piri si maryaa!*  
*(28:6-9)*

6-9 Yizroi sara wina naka "Nimaamaangei Kainani mwaalyanna 'A'mwe tewaanya mi!', sa'bita yawi'mwa," daka Eviraamire gawaalit' Yizimelimire taaya' maara'.

*Beteli Jaikopi waja ya'nyaa!*  
*(28:10-22)*

10-22 Jaikopi "Kwaaka Aaran sawinneinyi," daka kaanna wina yakegaa' pi'ba se wa'mwaraka waja ya'nyina yaka dara wanganake! "Kinnanya yiravamakinike' kwaakevidaasa' yune sigunyavinvanya' daaka!" Gotiyare mamaaya ejeliyara walaabina, yilaabina yadaapi wangana!. Sara kwangana! Gotiyai wida' "Nimi Gotiyainyira. Eviraamiji Aazakiji saraai nyu'nagi. Kwaaka da' gimi'ji gimirre kaimiraayaraj iyi'zaavidesi. Gimire kaimiraayara kwala naanga yima'napiji kwaaka dav yunebanna mwaaibib'dengi. Gimijiyaraavina a'mwe kwaakevak'i mwaaibibzaraavine tewaanna yi'deinyi. Gimijiyawakwoihiri dava ayawinna yagalaawina yawkolyi bakadeinaalyi. Nimirre yagaalya' nebwigi'wa." Mi'na kuda' Jaikopi dikaa'na yaka da' "Gotiyai dava mwaaidisi myawiriwana. Davadaasi sigunyavinvanya'ra. Nimi lika yiwana." Yiri'ke' kavura' Jaikopi daavaka silla yiri'mata dihaihisai yawita'nei yida'na maridaakwa!. Maridaakuna yaka "Dava Beteli (Gotiyare angeba dinikesi)," daka welivananya' dingina ya' Gotiyari'na. Sara yaka Gotiyari wida'

“N̄m̄ij̄i kwawakwolyi, wapaaya n̄gw̄lalaaka ȳv̄ta nȳjaava'ḡzi n̄mware angewinna ayawinna kanyimakaba'ḡiri ḡm̄irebwi ȳdeinyi. Ḡilȳv̄ta ata yuyiraai kanyijaava'ḡzi ayawi p̄ri'na ḡizaavideinyi. Yuyagaa' yuyagaa' p̄ri'na, p̄ri'na ḡizaavideinyira.”

## 29

*Jaikopi “A'mwe maarima!” daka Rasalavina Liyaavina Laivanime wawinya yaa!*

(29:1-30)

1-14 Jaikopi nyila bilyiridevannei Kwaaka Aaranina yimavaawina ya!. Aalibunyavi jiliikyaawarya kwala naanga mwaaidapij i wanganaka kaanna bina yaka jiliikyaawarya maremwaaidiyi saraavti wida! “A'mwe Laivanit jawi'mwaava?” “Yo, yawi'mwo. Nabaai garaavaanga! Rasala! ganimaangere sipizipiyaj makabivanike!,” wida!. Aalibunyavi siyla maratangirakina wa'di'nyi Jaikopi siyla maarina yaka piba marakina yina yaka aalya yiriina, gamire sipizipiyangina wijsavina ya!. Mi'na wijsavaka Rasalavita atwi'bwa'naka wida! “Laivanit nyaakaangelyi.” Sara kuda! Rasala! gannya angevinayarai wi'na yaka ganimaangeri kuda! kaanyive'na wiji'maa'nyina yaka ata wi'bwa'nyina yaka gannya angevinay makaba!. Jaikopi angevi bwina kya! Laivanit wida! “N̄m̄ireiginyi,’ nebwigi thawa.” Ti'vi'na kuda! Jaikopi saba mwaala!.

15-20 Lawe pu' wavila'daa'nyi Jaikopi gyakaangere wawinya yina kya! Laivanit wida! “Dahaan! n̄gw̄lwawinya mivaniginyaj

githiwana. Beri' gizaavijiwano?" Mi'na kuda' Jaikopi wiда! "Kwarame dawaai dawaai dawaai da' sagaa' gitthaayideinyira. Ni'mi mena kya'mujt jiraavaanga di'viya! Rasalavi nyijaadeiginyi." Sara wiđina kya' "Diwaanya' tewaanyasira. Gizaavidesira," wiđa!. Savidaasi Jaikopi yilaaya yada wawinya ya!.

**21-30** Kwarame dawaai dawaai dawaai da' kwavilava! Jaikopi Laivanim i wiđa! "Rasala' nyijaama!" Sara kuda' Laivan i tika munne yilina yaka sa' sawisav i garaavaanga Liyaa! Jaikopim i na wiđaava!. Mwanyav i Jaikopi dara wanganake! "A'mwe Liyaa' damwaali!" Daka Laivanim i na sinnna tika wiđava!. Sinnna tika kudava! Laivan i wiđa! "Sinnawi a'mwe si'raange' wiđavaana!" do' simunya nemiresira. Gim i Liyaasi sawita ata yuyi ata puridaasi piriwaai dimwaaidera. Mwaala'gizi sagaa' Rasala' gizaavide'na kwarame ata yuyi ata puridaasi piriwaala pin i ni'mire wawinya nyidaayadeiginyi." Sara kuda' Jaikopi sara ya!. Nabaai Laivan i a'mwe Silipaav i wawinya wiđayaaddevine' garaavaangevine' Liyaavine' wiđavaavina, a'mwe Bilaav i wiđayaaddevine' garaavaanga piriwin a wiđavaa!.

**31-35** (-)

## 30

*Jaikopimire a'mwewaai kaimiraaya milyei.  
(29:31-30:24)*

1-13 (29:31-30:13) Liyaa' kaimiraayai si'raangei Ruvani milaka kaimiraayai Simiyan i milaka kaimiraayai Livaai milaka kaimiraayai Juthai

mīla!. Rasala' kaimīraavīmaaya' mwaalake' Jaikopīmīne wīdaayadevi Bilaavi wījaava!. Mi'na kujaava' Bilaa' kaimīraayaraai mīla!. Kamiłla' Rasala' "Nīmīrelyi," daka sīraangere yaya Deni, dīviyai Napītalaai wīda!. Dīvidaasi Liyaa' dara wanganake! "Nīmī kaimīraaya pīnī mīlīde'nyi daaka!" Daka wīdaayadevi Sīlipaavī Jaikopīmīnevī wījaava!. Mi'na kujaava' Sīlipaapī kaimīraayaraai mīla!. Kamiłla' Liyaa' kīrimīre yaya' pwai Gethi, pwai Azai wīda!.

**14-24** Pięgaa' Ruvanī yisīla maaraka ganaanga Liyaaavī wījaava!. Kujaava' Rasala' wīda! "Yisīla pīri! nyījaama!" Mi'na kuda! Liyaa' wīda! "Ganīmaangerī maa'dīnya'gi yisīla' maarīma!" dathīwaana?" "Yisīla mi'na nyījaava'giżi sawisavī nīmīre a'mweri dīmaa'dera," wīda! Rasala!. Nyīla kwalaka' Jaikopī gannya angevīna kulaaba' Liyaa' wīda! "Nīmīre angevīna wīlaabīza'na nīmī gīmīnyi yisīlanna mi'na gīmubīwa. Naarīmī mwaalaka!" Sara kamwaalagi Liyaa' kaimīraayai Yīzakaai mīla!. Dīvidaasi kaimīraaya pwai Sevulanī mīla!. Aayagaasa' taaya Daaina' mīla!. Liyaa' yuya mi'na kamiłla' Gotīyai Rasalavīna tewaanna kya' Rasala' kaimīraayai Jozepīyai mīla!.

*Jaikopīmīre jılıkyaawarya kwala naanga  
yīma'nyaa!*  
(30:25-43)

**25-36** Rasala' Jozepīyai kamiłla' Jaikopī "Nemī sanīdakana wīna yawaajī nīnnya angevī mwalaana!" kada! Laivanī wīdīna "Gīmī dava mwaala'gi wawīnya ja!" Mi'na wīdīna

kya'! Jaikopi wida'! "Giminyina gyideiginyi. Mi'na gya'mujि jilikyaawarya jaane yuya maarideinyi." Laivanि wî'naka wida' "Tewaanyasira."

**37-43** Dîvi Jaikopi yisarikaavi dapaina, kilaaka woipira'na ya!. Sara yaka dara wanganake! "Jilikyaawarya tewaanya yawakimaniga!", daka jilikyaawarya wanganya'ne yisarikaavi marakina ya!. Dîvidaasi jilikyaawarya tewaanya bwaranya jaane mîle!. Jilikyaawarya tewaanya jaane yima'nyina kye! Jaikopi maarina ya!. Jilikyaawarya wabe Laivanimire mwaale!. Jaikopi gilyivita naangejiyai mwaalina. Gamire widaayadivita naangeji jilikyaawarya naangeji mwaalina ya!.

## 31

*Jaikopi Laivanimina likaanya wiyyaa!*

(31:1-21)

**1-16** Jaikopi dara wî'nake! "Laivanimire gawaalivava 'Nenimaangere gilyivita yuya maa'delyira,' dathivanigava!" Mi'na daka nabaai dara wanganake! "Laivanि jikurya nyivanikei daaka!" Sara kada! Gotiyai Jaikopimî wida' "Ginnya angewinna ayawinna diwodera. Nîmiji wawakadera." Mi'na kuda! Jaikopi Rasalaviji Liyaaviji wîdîna "Nîmi kîrinimaangerine wawinya naanga yadînyainyi. Wawinaangeinyi yadaari gami kwaasi nyidadelyi. Kwaasi kanyida! Gotiyai kîrinimaangere jilikyaawarya kwalaalyara nyijaawa'di!. Nabaai Gotiyai nyidîwa! 'Ginnya

angewinna diwona! ” Sara widiña kya' Rasalasi  
Liyaasi sawaai widiahi “Gotiyai sara gitihwake'  
sara jit!”

**17-21** Mi'na kudahi Jaikop'i “Nimaamaanga  
Aazaki Kainani mwaalyaryawinna wi'ma!” daka  
gannya balaangeng'i gannya kaimiraayang'i  
jili'kyaaawaryang'i maarina yaka wawa!. Sa'  
Rasala' ganimaangere sivuya'bisa' kuka  
maarina. Kuka maarina kya' Laivan'i navika  
mwaala'.

*Laivan'i Jaikopimi midinyaa!*  
*(31:22-42)*

**22-42** Laivan'i “Jaikop'i kaanna wi'na kyiwa'di!,”  
wi'naka Jaikopimi midinna ya!. Kaanna wi'na  
wi'na, sawita ati ata puridaasi pwaraai kajinna'  
tusav'i mi'jaahalaka wida' “Baari' yawaana?  
Kwaasi baa'na yagina nyiraavaangewaar'i wi'la  
yirakinikewaari baa'na makwasawaabina?  
Nabaai nimire sivuya'bisa' kuka baa'na  
maryawalyaadina? Li'ka be'na yulyaragina  
wi'wa'di? ‘Nimi' Jaikopimi mala tamima!' dena  
sawisav'i waja ya'nyawaaihe. Gimire Gotiyai  
waja nyijawaali' ‘Jaikopimina kave duthana! ’ ”  
Sara kuda' Jaikop'i widiña “Gimire sivuya'bisa'  
kuka mamaryiwa'de. Li'ka yulyarena  
diwa'de ‘Laivan'i garaavaangewaarina  
nanyipalamaaaradika! ’ ” Mi'na kuda' Laivan'i  
Jaikopimi're giyyivisangi tinna wanganaka sa'  
gamire sivuya'bisa' Rasala' li'ka yulyakake'  
mabiri'maarya!. Mabiri'maaryaakegaa' Jaikop'i  
Laivan'im'i maanga wida' “Baa'neka! Gimire  
wawinya yadaari gitire jili'kyaaawarya kwala

naanga yim'a'nyina kye' nim'i mamaranyena. Gimire jili'kyaawarya kunewi birena birena nimire gitzaave. Sa' yuyagaa' niminyine kwaasi yagi. Gim'i kwaasi kyagi nimire Gotiyai nyigaimwagaka sawisavi mayagaala gitzaaalii," widina ya'.

*Jaikopij'i Laivaniji saraai "Nya'mwei," dinyei.  
(31:43-55)*

43-55 Laivan'i wida' "Nyiraavaangewaalyi, aataasi, aataravaj'i nimire jili'kyaawaryaj'i mwaaiha!. Sa' baari' yij'iwa?" Sara kuda' Jaikopij'i Laivaniji yagaala naanga kadnagi Laivan'i wida' "Naarimi geva geva kamwaalakwolyi Gotiyai nehwan-ganadelyira. Nyiraavaangewaarina kayaa'na kamaremwaala'gizi Gotiyai gwanganadeiginya. Gim'i a'mwe piri'i kamaara'gizi gwanganadelyira." Mi'na kuda' Jaikopij'yara sila marakinna kye' Laivan'i wida' "Sila naanga tihwawiya maramadakiwaasa' gimininyina malya'na nimi mwavilayi yideinyi. Nabaai niminyina malya'na gimi mwavilayi jitheiginya. Gotiyarina gitthiwe' nebulyasi." Sara kuda' Jaikopi wida', "Sila naanga mwavilayi yideinyi malya'nesi." Jaikopi nebwina wida'ka jili'kyaawaryar Gotiyarina tamaka yidika yina kya' Jaikopij'i Laivaniji nagi. Yirike' kavura' Laivan'i se wa'mwarakei dikaa'na yaka garaavaangewaariji kirimire kaimiraayangiji sangi yilaaya yigala!. Yilaaya yigalaka yagaala tewanya wida'ka gannya angewinna wawa!.

## 32

*Jaikopi daka “Gara yijiwana Yizoi nyanganade’na?” kaanna wiyyaa!*

(32:1-21)

1-12 Jaikopि kaanna wina yakegaa' dara wanganake' "Nimijjt Gotiyare mamaayara ejeliyarajt mwaaiho." Sara daka Jaikopि s̄humale yaasadivisaraavt gathaakaanga Yizorin na widaasa!. Yaasadivisara kaanna waweva Yizori wide' "Jaikopि gitinyawinna bivanit". Gamire gitlyivita naanga warika." Yaasadivisara Yizori wi'neva kaanna binna yeva Jaikopimt wide' "Yizolyi a'mwe kwala naangerajt sara bivanigava." Mi'na kude' Jaikopि lika yaka Gotiyari wida' "Gihaimwagideinyi nyidahinya" 'Gimire kaimiraaya kwala naanga yima'nipi'dere.' Nyigaimwadinyaiginti. Nabaai dahaa' nimire gitlyivita naanga warit. 'Ginnya angewinna diwodera,' nyidahinya' sa' nyidaakaanga Yizorin nimi lika yena 'Yizoi naneramakadika!' dena 'Nyigaimwana!' gitthiwa."

13-21 "Yizori sinna tika nudavadit!" Jilikyaawarya naanga yanga wiyaavima!" daka Jaikopि Yizorine jilikyaawaryangt maryasaka gamit dividaan'nyi midina!.

*Kwaaka Peniyali saba Jaikopि ata sivila galalimwanna yaa!*

(32:22-32)

22-32 Jaikopि gamirengi kudaasa' kumiza gamire gitlyivitajt Aalya Javokip maraga'makuna. Maraga'makuna kya' Jaikopि gave kwai

mwaala!. Sawisavi pwai baka Jaikopim asangi galalimwanna ya!. Mala tannadaakiri yirika purina kya' pwai Jaikopim wida! "Nyimakwaasa!" Sara kuda! Jaikopi wida! "Yagaala tewaanya' nyida'gizt d'wodera." Pwai wida! "Ginnya yaya! Jaikopi (kwaasi yadei) sa! Gotiyariji amweraavijt yagaala baziwaimanaawiginyaigt, malya' giminna dathivalaradinyaigt, ginnya yaya mudike' Yizrelimo." Jaikopi wida! "Gotiyari wanganena kwaihwaaainakeinyi mwaaimwa." Nyila bilaawi na yadaa'nyi Jaikopi tu'mudika wida'daa'nyi yigala kaanya wawa!.

## 33

*Jaikopi Yizoryabanna yi'mavaawina yaa!*  
(33:1-20)

1-20 Jaikopi dara wanganake! "Yizolyi gamire amwerajt sara jinigava!" Daka gannyangti wavila'na ya!. Wavila'na kya! Liyaasi Rasalasi kaimiraayajt amwe widaayadisawaalyi sa midinna ye!. Midinna kye! Jaikopi gathaakaangeryawinna binna. Binna kya! Yizoi tewaanya mwaalaka "Jaikopiji ata bwa'naka!" daka kaanyive'na binna kya' kinna maredinagi. Mi'na kamaredinagi Jaikopimiva binna yeva Yizorina "Ata bwa'naana!" dinna yeva ata bwa'nyina ye!. Tivinna bwa'nyina kye! Yizoi wida! "Jiliikyaawarya niminyine makabiwaanya waramaryana!" Sara kuda! Jaikopi "Nimi kuneinyi daaka!" kuda! Yizoi maara!. Yizoi mi'na maaraka wida! "Nemiji sarimiji sanna

kaanyaana!" Sara kuda' Jaikop'i wida' "Nimire jili'kyaaawaryaj'i nimire kaimiraayaaj'i kave kave wina yina yaadennera." Ti'vi'na kuda' Yizoly'i gannya widaayadivisaraj'i sara Jaikop'i yagalya'ma'na yeva Kwaaka Siyaana wawe'. Kaanna kwawe' angeba Sekimi Kwaaka Kainani manni'kebanna yimavaawi'na yaka kwaaka mubaka saba mwaala'. Mi'na mwaalaka Yizireli Gotiyarie siminye' livalaaba'.

## 34

*Daainavire gyamwera angeba Sekimi kayaaka yigalyaa!*

(34:1-31)

1-5 Liyaavire taaya! Daaina! "Angeba Sekimi mwaalyang'i angiri'maata yima!" daka kaanna wina ya!. Anga saba A'mwe Aamo maremwaaida mwaala'. A'mwe sare gawaali' Sekimi Daainav'i wanganaka "Sidi'raaya tewaanya' maa'mujava," yawi'na. Sara yawi'na yaka ata limwanna ya!. Ata limwanna yaka Sekimi ganimaangeri wida' "Sidi'raaya da' nimire a'mwevina ganimaangeri duthana! 'Gimire taaya' nimire miginyarie' nyijaama!' " wida'.

6-31 Jaikop'i dara wii'nake! "Sekimi nimire taaya' ata limwanna jiwaka!" Dina kya' gawaalivava piba yibwa'nadapiji' navika mwaala!. Jili'kyaaawarya maremwaaidivisara gawaalivava bina yeva ku'ne' sinna tika naanga wida!. Sinna tika kudava' sa' Aamo Jaikopimire gawaalivavaavi wida' "Sekimi nyibwaalivine Taaya Daaina' nyijaama! Gannya a'mwe' maaradelyi. Sarimi yagaala

sara nyijide! sara yihizaavidesira." Mi'na kuda! Jaikopimire gawaalivava kwaasi widiina "Nem i yuyaina kilaaka pikarya neyinikeinera. Sarimi kilaaka pikarya kada'napiji Daaina! Sekimimine! yihizavaadesira." Sara widiina kye! Aamoji Sekimi gawaalisi saraai yilaaya yagi. Kirinnya angewinna wawagila kirimire a'mweraavi widihi "Jaikopimire gawaalivava sara nehitthwaasa! sara yaana! Dividaasi Jaikopimire gilyivisa maraadengira." Sara dinева angeba Sekimi mwaalyara kunnya kilaaka pikarya da'ne!. Kada'ne! kilaaka daanga wividaa'nyi Daainaviregya'mweraai Simyan Livaai saraai wilaabahila Sekimi mwaalyaraav tamakina yagi. Tamakina kyagi Jaikopimi gawaalivava beva Sekimimire angevidaasi Daaina! makuna ye!. Nabaai a'mwej kaimraayaj Sekimi mwaalyaraavire gilyivisaj makwawe!. Jaikopi a'mwe pwaraavina lika yaka gawaalivavaav mayagaala widiina. Mayagaala widiina kya! "Sekimi neya'mwevi kayaa'nanaanga yakelyira," wide!.

## 35

*Beteli saba Gotiyai Jaikopimina tewaanna yaa!*

(35:1-15)

1-8 Gawaalivava sara kye! Gotiyai Jaikopimi wida! "Beteli sawinna dimwaidera. Mwaala'gizi niminyine siminye! dilivalaama!" Mi'na kuda! Jaikopi gamirebadaa'nyaraav wida! "Sarimi re sivuya yuya sabisa dimarasinyila! Sarimi re kuryara tewaanyara

mwaaiibika! Nabaai kilaakejika giriika'nana aalya diziñyla! Aalya jitapiji kwaabi'hannya baazi'ma'nya tewaanya yaaka dakyila! Beteli sawinna nemi kaanyaana! Saba Gotiyai nimij mwaiderina nim siminye' li'valaabidera!" Jaikopi sara widiña yake' gamijiyara sara ye!. Mi'na kye' wodaapiji Gotiyai a'mwe pwara yuyaraav Jaikopijiyaraavina, "Sarimi a'mwe saraav mipinera!" kada' a'mwe yuyara lika yina ye!. Jaikopi Beteli mwaalaka Gotiyarina yileyagaala widiña ya!.

**9-15** Jaikopi Gotiyai yaya! Yizireli wo'nikei dara wanganake! "Gotiyai damwaali!" Kada' Gotiyai wida' "Nimi Gotiya diraginyainyi. Gimire kaimiraavizimya kwala naanga yima'nyina yipi'dengi. Gimire kaimiraavizimya pwara a'mwe naanga yima'nipi'derera. Kwaaka Eviraamiji Aazakiji saraarinna wijaaveba gimiiji gimirre kaimiraavizimyaj sangyihirina yihizaavinike!" Sara kuda' Jaikopi sila naangei daadilnyiyaba Gotiyarina weliya' dingina ya!.

*Jaikopimi kale wiyaa!*  
(35:16-29)

**16-26** Beteli sabadaasa wodaapiji Rasala' kaimalei milaka bala!. Kabala' sagaa' Jaikopi kaimiraayarina yaya! Bejamini wo'na!. Jaikopi kale wiadaasi Betilemi sagineba Rasala' wakaka kwaaka saba mwaalina. Saba mwaalina yadisi Ruvani ganimaangere balaanga Bilaavi ata limwanna kya! Jaikopi sara yawira!. Jaikopimi gawaaliavaanga sivilraai ata puridaasi pwaraalyara yuyara mwaale!.

**27-29** Angeba Maamire mwaalyai Jaikopimire ganimaangei Aazaki mwaaidisi Jaikopi ba!. Aazaki a'mwe nei kwarame naanga 180 kwavilava' bala!. Kabala' gawaalivavaangeraai Yizolyi Jaikopiji saraai wakagi.

## 36

*Yizoi      Yithomiyaraavi      kuvinimaangei  
yima'nyaa!*  
(36:1-43)

**1-43** Yizolyi Jaikopiji saraare jilikyawarya mwaaidapiji kumire tika munne maalika wa'disi Yizoi gannya balaangeji kaimiraayajjilikyawaryajj makuna yaka Siyaa mugunyavi maremwaala!. Maremwaalaka Yithomiyaraavi ganimaangei yima'na!.

## 37

*Jozepiyai waja ya'nyaake'na wijaa!*  
(37:1-11)

**1-4** Jaikopi Kwaaka Kainani mwaalakegaa! Jozepiyari kwarame atiraai sivila pwi yuya yaka sivila puridaasi pwaraaina kwavilava' sagaa! mwaala!. Kamwaala! Jozepiyadaraka sipizipiya yidividiv'i mwaale!. Jozepiyare ganaange! maarakegaa! Yizireli a'mwe nei mwaalake'na Jozepiyari yilaaya naanga marina ya!. Gawaalivava pwaraavi yilaaya maalika marya!. Yilaaya naanga maryaka Jaikopi Jozepiyarina baazi'ma'nya tewaanya' yavikarya!. Jozepiyai gaverina kyavikarya'

gya'mwera "Maraajava kale newila'mwaka," kade' sinnna tika davina wia!.

**5-11** Jozepiyai waja ya'nyina yaka gya'mweraav! "Nimire waja yivanige' yihiziwaaki," wida!. "Wawinyav! witiya lilaajabisa maramurita'na yadaawojo nimire witipwiya' dikavedaa'na yaka daavina yadisi sarimire witipwiya' dikavedaa'na git'du'na yaka 'A'mwe naangeigiyi,' " wida!. Jozepiyai sara kuda! gya'mwera "Kwaasi nedawa," deva "Nemnyina dinemaremwaaijwaa?" wida!. Divi pigaa! Jozepiyai waja mudika piri' ya'naka ganimaangelyi gya'mweraji saraavi wijwaakina ya!. "Nyilyalyi lawelyi silingaaminya siviliraai ata puridaasi pwaina sara niminyina git'dura'na yawaaihava." Mi'na kuda! Jaikopi wida! "Baa'na diwaana? 'Nimaamaangelyi nyinaangesi nya'mweraji sa niminyina git'du'na yipidera,' dathiwaana?" wida!. Jozepiyare yagaala'na gya'mwera sinnna tika wida'daasi ganimaangei kave yawira!.

*Jozepiyari gya'mwera wimubyaa!*  
*(37:12-36)*

**12-17** Kwaaka Sekimi Jaikopimire gawaalivava jilikiyeawarya yidivaidaapi Yizireli Jozepiyari "Ja'mwera tewaanya damwaaihava?" widaaka widaasa!. Kudaasa! Jozepiyai kaanna kaanna Sekimi sawinna ba!. Mi'na baka dara wanganake! "We", nya'mwera pwara mamwaalyijihava!" Daka wanganamaryina. Wanganamaryina yadaasi a'mwe pwai wanganaka wida! "Nimi ja'mweraav!

wi'niwa'de 'Kwaaka Dothan'i sabanna kaanyaana!' didaapi." Sara kuda' Jozepiyai kaanna wi'na ya'!

**18-24** Badaa'nyi Jozepiyari gya'mwera wanganeva dine' "Waja yadei yinikeri tamakaana! Tamakawaaji 'Kavijili'kei tamakiwakelyira,' widaathera. Tamakawaaji 'Gamire waja nebulya' daaka!' daathe'na," dine'. Kadine' Ruvani siraangei "Jozepiyari yivalima!" daka "Maramaki jide. Kavi'ninnyavi marirakina jidelyira," wida!. Tivi'na kuda' Jozepiyai yi'mavaawina kya' limwanna yeva gannya baazi'ma'nya tewaanya' yiraipuras'i'na yeva kavi'ninna kunevi yirake!.

**25-30** Jozepiyai kavi'ninnyavi wi'la'disi gya'mwera wapaaya nadaapi Mithiyan'i mwaalyara badaapi Juthai gya'mweraav'i wida' "Neya'mwe Jozepiyarin'a a'mwe saraavine mubaana! Nenny neya'mweryaba mara-makaanner!" Sara kuda' kavi'ninnyavi'daa'si Jozepiyari wi'yabaalyi marayi'divaina yeva maramwagi'namaa'na yeva kinaaya ata siviliraaina mube!. Kamube' Mithiyan'i mwaalyara Kwaaka Yizipi'na makuna ye!.

**31-36** Jozepiyari gya'mwera jili'kyaaawaryai tameva gamire tawe maareva Jozepiyare baazi'ma'nya' tawevi maradivaina. Maradivaina yeva kuvini'maangeri "Baazi'ma'nya da' yakinike' maa'mwosi. Jiwaalivaangere' daaka?" widaawina ye!. Widaawina kye' Jaikopi wanganaka wida' "Yo. Nyibwaalivaangere baazi'ma'nyasi. Kavijili'kei dawakiwakerinera." Sara kuda' kale naanga

wiadaas! Jozepiyarina kinnna naanga baziwina ya!.

## 38

*Juthalyi Taimaa si sawaai kaimiraayaraari maryei.*

(38:1-30)

1-30 Sagaal! Juthai Kainani mwaalya' kamaara' gannya a'mwe' kaimiraaya daraai dai miла!. A'mwe Ei, siraangei Taimaa' kwala maara!. Kamaara' gamirebwi kayaa'nanaangebwi kya' Gotiyai "Gam! balya'negaa' wakideinyira," dинke'na Ei bala!. Kabala! Juthai kutabanyai Wonanimi wiда! "A'mwe Taimaa! dimaa!" Sara kuda! maarina yaka "Kaimiraayanna waramaryana!" daka kayaa'na ya!. Kayaa'na yake'na Gotiyai dina "Balya'negaa' wakideinyi." Milna dinikevi Wonan balina ya!. Kabala! Juthai Taimaaivi wiда! "Navika dimwaala! A'mwe pwar! mamaa'ninnera! Gimamaangeryawinna kaanna wiна ji! Saba dimwaai! Nyibwaali! aaya wiриaakei Silaa naanga girina kyoji gamizar! dimaa'nana!" Widina kya! Taimaa! kaanna wiна ya!. Sa! Silaa naanga girina kya! Juthai "Nyibwaaliwaanga dai gannya gya'mweraalyi nabai nabaladika!" daka Silaami "Taimaa! dimaa!" muja!. Yagaala mujt yaka mwaalina yakere balaange! balina ya!. Balina kya! Taimaa! kwaasi kya! "Juthai Taimaaivi ata limwamwaka," dinyina ye!. Dinyina kye! Taimaa! kaimiraayaraai pwaraai avaalyagaa! maarina ya!. Maarina kya! "Siraangei Perezit, dividaasai Jeraa," wo'na!.

## 39

*Potipaare a'mwe' Jozepiyari yaamiji wiaa!*  
(39:1-23)

1-5 Kwaaka Yizipina Mithiyanı mwaalyara Jozepiyari makuna yeva A'mwe Potipaarinā mubye!. Kwaaka Yizipi saba maremwaalakei Peroyalyira. Potipaai Peroyare a'mwe naangelyira. Gotiyai Jozepiyari w̄igaimwanna yada Jozepiyai gannya wawinya nayaa ȳna ya!. Nayaa ȳna yadaasi Potipaai dara wanganake! "Gamire wawinya tewaanya j̄ivanika!" Sara daka gannya angasi gannya gitlyivisaj maremwaaideri w̄imwaaaiha!. W̄imwaanihina kya! Gotiyai Potipaarinā tewaanna ya!.

6-9 Jozepiyai tewaanyai angevi w̄ila'disi Potipaare a'mwe! "Tewaanyarina maarima!" daka wiða! "A'mwaagaigt, avaanna wiłakade'nanyi." Sara kuda! Jozepiyai "Aala," wiðina ya!. "Potipaai gannya gitlyivisa maremwaaina yadinyainyi nyimwaanihina ya!. Gamire'ginyira. N̄imire'gi daaka! Sara n̄imi myiw̄inera! Sabwi kya'muj Gotiyai n̄iminyina simunya kayaa'na nanyawiradika!" wiðina ya!.

10-23 Gazagaasagaa! Potipaare a'mwe! sana sana wiðade! Jozepiyai "Aala," sara wiða!. Pīgaa! sara wiðakei "N̄imire wawinya ȳma!" daka angevi wiła'na ya!. Wiła'na yadiisi Potipaare a'mwe gave' mwaalaka gamire baazi'ma'nyav īmwanna yaka "Kwala nȳmaa!" wiða!. Sara yaka sara wiðina kya! Jozepiyai ȳraipivalakina yaka līkaanya wiña ya!. Līkaanya wiña kya! Potipaare a'mwe! sinnna

tika kudava! wawinya widaayadivisaraavi jaka widdena ya!. “Yiviruyarajiyai sai kwayagaala nyidivani!. Nimi ‘Aaka, aaka,’ diwe’nyi gami likaanya wina yiwa!. Danganyila! Gamiire baazi’mal’nya! warikaagavaakana!” wida!. Sara widaka navika mwaala!. Potipaaai gannya angevi wilaabaka gannya a’mwe! widakek’ kwi’na! sinna tika davina wia!. Davina kwia! Jozepiyari kalavuzavi wimwaanihina ya!. Wimwaanihina kya! Jozepiyai wila’disi Gotiyai baihana’disi kalavuzavi damei Jozepiyari tewaanya ya!. “Kalavuza mwaaidivisara pwaraavi dimaremwaideiginyi,” Jozepiyari wida!.

## 40

*Jozepiyai kalavuzaraarinā kirimire waja witiwakyaa!*

(40:1-23)

<sup>1-4</sup> Jozepiyai kalavuzavi mwaaidisiyagaa! pigaa! gamire wawinya widaayadisaraarinā A’mwe Pero sinna tika davina kwia! kalavuzavi wimwaanihina ya!. A’mwe pwai Peroyare wapaayaji aalyasi wimaarina yadei, yi a’mwe pwai Peroyare girkula yidika yadei saraalyi Jozepiyalyi kalavuzavi mwaale!.

<sup>5-19</sup> A’mwe pwaraai sawisavi waja yina yagi. Waja yina kyagi mwanyavi Jozepiyai wilaabina kya! jikurina mwaalina yagila “Sawisavi naarinmi waja ya’nyawaaiholynaalyira. Waja bewaja yivanigolya’na aai nehizwaakajiwaka?” widahi. Sara kudahi Jozepiyai “Nimire Gotiyai waja yawidelyi. Kirimire waja nyiji!

Gotiyai nyijiwakadeinyi," wida'. A'mwe pwai Peroyare wapaaya wi'maarina yadei gannya waja Jozepiyari wida' "Giraipi'ila taanya dawaai da' wa'disi nimi wangamwa. Wangadaari puri'rya yi'nadaasi wanganyawaaihe' dahaa' mya mena yimwake' wangamwa. Mena kyimwa' Peroyare gulyavi marama'mwagikina yena wi'jaavina yi'wana." Mi'na kuda' Jozepiyai wida'na "Waja sa' gi'ziwaaki! Taanya dawaai dasa' sawita daryaai dari' sa'bisa'sira. Sawita daryaai dari' kajinnoji Pero 'Nimire wapaaya dinymaryama! Aya' ji'thera,' gi'thathera. Gim'i sara ya'gi'zi nimi'nyina jawi'deig'nyi. Yawira'gi'zi Jozepiyai kayaa'nanya' myakeri kalavuzavi wi'mwaaihava,' duthathera." wida'na. A'mwe pwai Peroyare gi'rikula yi'dika yadei sara wi'naka Jozepiyari wida' "Nabaai nimi' waja ya'nyawaaihe. Soigilya dawaai da' kinya yilamarina yi'vanigeinyi. Soigilya aaya a'banyav gi'rikula ge ge mihi'ni'ke yusara gi'rikula dapanadaapi baihanakeinyi," wida'. Ti'vi'na kuda' Jozepiyai "Gimire waja' gi'ziwaaki! Soigilya akwalamwai sawita daryaai dari' sa'bisa'sira. Sawita daryaai dari' kagizinnoji Peroyai yisari wi'la ti'davojoji gi'mi'nyi pi'gaa' wi'la kamaragi'ri'davojoji yusara gi'nipi'deig'nyi," wida'.

**20-23** Sawita daryaai dari' kajinna' Peroyai gannya wawinya widaayadivisaraavine ti'ka munne ya!. Sagaa' Jozepiyai sara wida'ke'na Pero sara ya!. A'mwei gamire wapaaya wi'maarina yaderina jaka wida'na yaka "Gimire wawinya sinnawinya' ji!" wida'. A'mwei gamire gi'rikula yi'dika yaderi' wi'la mararidava!. Peroyare wa-

paaya wimaaryadei gannya wawinya yina yada  
Jozepiyarina Peroyari mujaka navika mwaala!.

## 41

*Jozepiyai Peroyare waja wijiwaakina yaa!*  
*(41:1-36)*

**1-8** Kwarame piriwaai kwavilava' sawita  
piriki Pero waja piriwaai ya'na!. Ya'nyina  
yaka mwanyavi kave yidaakuna kya' a'mwe  
kwai a'mwe kiri' waja sawaarina kunnakai  
mamwaalya!.

**9-13** Kunnakei mamwaalyi kya' Peroyare  
wapaaya wimaaryadei Peroyari widina  
“Dahaasagaa! Jozepiyarina yawi'mwa. Nimi  
gimire girikula yidi'ka yadelyi sainaarina sinna  
tika kagithava' kalavuzavi maranehimwaaihagi.  
Sawita pigaa' waja ya'nigolyainaalyira.  
Jozepiyai Yiviruyarajiyai saba mwaalaka  
naarimire waja nehitwaaka!. Nehitha! ‘Pero  
“Gimire wawinya sinnavinya! ji!” gitathera,’  
sara nyida!. Girikula yidi'ka yaderi ‘Pero wiла  
maragiridavadera,’ wida!. Gamire yagaala  
nebulyasira. Sara nehitheke! sara yagi,” widina  
ya!.

**14-24** A'mwe naangei Pero Jozepiyarina  
widasaabina ya!. Widasaabina kya' Jozepiyai  
maryaata wiri'nyina yaka kwaabihannya  
tewaanya baazi'ma'nya tewaanya marira'nyina  
yaka buladaa'na ya!. Buladaa'na yadisi Pero  
wida! “Nimi waja ya'nyawaaihe! a'mwe  
yuyara a'mwe yuya manyijiwaa!. Giminyina  
‘Waja ya'nadivitanna widadelyira a'mwe sai,’

nyidawa' pwai." Sara kuda' "Nimire Gotiyai gimirre waja'na nayaa giziwaakadera," wida'. Pero Jozepiyari widina "Waja dasa' Aalya Naayili aalimaangevi daa'deri bulimakaawoya wapeminnaka daraai daraai daraai dalyara aalyavidaasi bilaawiña yawaaiha!. Bilaawiña yeva bulimakaawoya kuriya mudimilanyina yadaapi bulimakaawoya maalika daraai daraai daraai dalyara aalyavidaasi bilaawiña yeva bulimakaawoya naangeraavi maalikera ti'ka bilanyina yawaaiha!. Nyina kyawaaiha' nimti dikaa'na yena nabaai se wa'mwarena ya'ne waja piri' ya'nyawaaihe. Witiyaginya' gave piri'nanyavi siла naanga dawaai dawaai dasa yi'niwakengi banganakeinyi. Siла tewanya pin di'vidaasi yi'nyina. Yt'nyina yaka kuzi'nya warike witziла sinnawinya tewanya yi'niwakengi maranyina yadaapi banganakeinyi. Wajawaai sara ya'niwa," wida' ya'!

**25-36** Pero mi'na kuda' Jozepiyai wida' "Wajawaai piri'waai sara yawaanya kir'i avaala giziwaakima! Bulimakaawoyaaraavina ya'niwaa'na! witziла'na ya'niwaa'na! avaaiyagaala gitihidera. Gotiyai di'vi sara yade'na sara giziwaainivanika giwiriwa!. Kwarame dawaai dawaai dawaai da' wavila'daawojoj Yiziipi dava wapaaya naanga waradevanyira. Kwarame dawaai dawaai dawaai da' kwavilavojoj kwarame dawaai dawaai dawaai da' sagaa' mijika di'valyidevanyira wapaaya mwaryadozi. Nimire yagaala diwe'na 'Dahaa' a'mwe sidu'nakei a'mweraavi kwarame tewaanyagaa'

widasaawina “Mijikegaa'nana wapaaya naanga kanyijaavapiji angengi marikwakina yidera,” dada yaderi dumwaaihya! Sara kya'gi'zi mijikegaa' wapaaya ti'ka nya'ne waradegaakira sagaaka.” ”

*Peroyai Jozepiyari Yizipi maremwaaideri  
wimwaaihina yaa!*

(41:37-57)

<sup>37-45</sup> Peroyai Jozepiyari wida! “Gotiyai gamire simunya gizaava!. Ni'mire wawinyasti Yizipi kwaakesi dimaremwaidera.” Sara wida'ka gannya ataka magalabwapaina yaka “Ni'mire wawinya yadelyira,” daka Jozepiyare asari ataka yihi'na ya!. Nabaai baazi'ma'nya tewaanya marawibaazi'makuna yaka nigmia goliya mararinna ya! Peroyai. Mararinna yaka Yizipi mwaalya' a'mwe nawi'nya' Jozepiyari balaange' widaarina ya!. A'mwevine yaya! Aazanaati wo'nikesi.

<sup>46-57</sup> Jozepiyai kwarame 30 kwavilava' sagaa' Peroyare wawinya ya'nei yima'na!. Kwarame tewaanya dawaai dawaai dawaai da' sagaa' wavila'daa'nyi anga yuyaba wapaaya naanga marikwakina. Marikwakina kya' kwarame dawaai dawaai dawaai da' sagaa' mijika naanga yima'na!. Mijika naanga kyima'na' sabanyara Peroyari wapaayanna jaka wida'na. Jaka wida'na kye' Pero wida! “Jozepiyaryawinna diwilai! Gami sara yihi'thathe' sara ji'la!” Jozepiyai a'mweraavi wi'naka anga ti'ka wapaaya wakadivisav' basamakwina yaka wapaaya mubina ya! a'mwe Yizipi mwaalyaraavine. Nabaai kwaaka yuyabanna mijika naanga

wa'disi pibanyara "Nem! Yizipi saba wapaaya mubaana!" dneva bin a yeva wapaaya mubiina ye' Jozepiyari.

## 42

*Jozepiyari gya'mwera Yizipi na wi na yeva wapaaya mubyaa!*

(42:1-25)

1-5 Kainani kwaaka wapaaya mwaryadisi "Kwaaka Yizipi wapaaya war!", didaapi Jaikop! wi'nyina. Sara wi'nyina yaka gawaalivaangeraavi wi'da! "Kwaaka Yizipi sabanna wopij! wapaaya dimubyideihilyira." Mi'na widaka "Bejamin! wi'ryaakei nyibwaali! nabalandika! Dava mwaaladelyira," daka Jozepiyari gya'mwe ata yuyraai darera gavera wi'dasaawina kya! kaanna wi na yeva Yizipi na yi'mavaawina ye!.

6-7 Gya'mwera Yizipi na yi'mavaawina yeva Jozepiyaryabanna wi na yeva "A'mwe naangeigi," deva gi'du'na ye!. Gi'du'na kye' Jozepiyai dara wanganake! "Ai, sara nya'mwera dava damwaaisha!." Mi'na din a kya! "Jozepiyalyira," majara "Yizipyalyira," dne' kumizara. Jozepiyai "Nimi kwaasi yagaala wi'dima!" daka maange'b! wi'dina "Gawi'daasaihila!" wi'dina ya!. Gya'mwera "Wapaaya mubaana!" dona Kwaakabanne yaya' Kainani'daasainera, wi'dina ye!.

8-17 Jozepiyai gannya waja'ne gya'mweraavina yawiraka wi'da! " 'Nem! kwaaka kuka maraana!' deva dava sarimi bwangamwaava."

“Arıkawinyira. A'mwe naangeigi, ‘Wapaaya mubya yaana!’ dona bonanyira. Kainani mwaalyare gawaalivaanga atiraai sivila puridaasi pwaraalyiyainera. Wiryakei ganimaangelyi mwaaihi. Neya'mwe pwai bala!” Sara kude' Jozepiyai widdena “Sariminyina yaamiji yihyideinyi. Davanna sarimire wiryaakei mabi kyoji davadaasi mwiyi jideihilyi. Gave pwai kaanna wina yoji wiryaakeri wiji'ma'naawiya yadelyira. Sarimi pwaihi kalavuzavi dimwaalyide. ‘Sarimire yagaala kwaasi nyide!,’ da'mujit simunya! sariminyina ‘Damakaanyara bivanigava,’ yawirideinyira.” Milna widdaka kalavuzavi yuyara wimwaaihina ya!.

**18-25** Sawita piryaaaina kajinna! Jozepiyai widdena “Nimire diwija'na jide. Gave pwai kalavuzavi mwaalanne'ne'na pwara wapaaya sarimire kinidakaavine makuna yipi'dengira. Wiryakeri kanyimakabapiji sarimire yagaalya! yawirideinyira. Sara kyawira'mujit mabalyi jideihilyira.” Jozepiyai Yizipi yagaala widdadaa'nyi pwai maridina kya' Jozepiyari gya'mwera kunnya yagaala dine! “Negwaalaanga Jozepiyarina kayaa'na yo. Gamit kinna dadaasi wanganona nemi diraginna mwaalo'na dahaa! Gotiyai neminyine! kayaa'na neyivani!.” A'mwe Ruvanit gya'mweraavti wida! “Nimi yihithe ‘Miginyarine kayaa'nanyabwi mipinera!’ Kyihithe! mwif'nyije!.” Ruvanit sara kuda' Jozepiyai mwasawinna kaanna bwalyuna yaka kinna dina. Kinna dina yaka Simyanimi maaraka wila pwiyina. Wilia pwiyina yaka

widaayaderi kave widina “Wapaaya kumire gilya dimaramihya! A’mwe gei gere niggwia gannya gilyavi dimihya! Nabaai wapaaya tusavine dumaari!” Sara widina kya’ sara ya’!

*Jozepiyari gya'mwera Kainani ayahi wina yaa!*

(42:26-38)

**26-28** Jozepiyari gya'mwera wapegilya maareva jili'kyawarya dogiyaraavire bulevi a'ba yilamarakina yeva angebanna kaanna makuna ye'. Kaanna makuna kye' piba wa'mwareseba a'mwe pwai “Nimire jili'kyawaryarine wapaaya wi'maarima!” daka gannya wapegilya' maarina yaka wilya' maryaa'na. Maryaa'na yaka dara wanganake! “Ai, wapaaya a'ba nimire niggwia darika! Ai, niggwia da aai mihiwaka!” Sara daka gya'mweraavirida! “Nimire niggwia gilyavi minnarit.” Tivi'na kuda! yuyara lika yina yeva dinet “Gotiyai baari! neywaka?”

**29-38** Kwaaka Kainanina binna yeva kuvinimaanga Jaikopimi sara yesa' sara widina. Milna widina kye' Jaikopi wida! “Jozepiyai mamwaalyi!. Simyan i mamwaalyi!. Dahaan sarimi ‘Bejaminimi makuna yaana!’ dapiji makuna jide! daaka! Savi kale nyiwaka. Bejamini mwaalana!” Sara kuda! Ruvani ganimaangeri wijaal “Bejaminimi nyijaama! Maremwaalideinyi. Aya giminnyawinna mulaabi kya'mujj nyibwaalivaangeraarit diramakyal” Wi'na kuda! Jaikopi “Nyibwaalivaangelyi mwikanera!” wida!

## 43

*Jozepiyari gya'mwera Yizipi yagalaawina  
yaa!*  
(43:1-34)

**1-14** Wapaaya Yizipi sabadaasa mi'na nyina kye' kuvinimaangei wida' "Sarimi ayahi diwila! Wapaaya pin dinemubyila!" Juthai wida' "Bejaminiji muyi kyawaaj a'mwei wapaaya manemubi neyadera." Ti'i'na kuda' kuvinimaanga Yizireli navika mwaalina yaka pigaa' wida' "Wikira. Wiryakelyi diwila! Nabaai yanga wijaaya'ne wimaarina, nigwia aya sarimire giilyavi mihakinike Yizipi mwaalyar dumaari! Nigwia navika yiwa'dike dingaka? Nigwia pin maarapi wapemubya'na dimakwi! Dahaal yarai diwi!"

**15-24** Yizireli sara widake' sara ye'. Yizipi sabanna Jozepiyaryabanna kabe' Jozepiyai Bejaminimi wanganna. Mi'na wanganaka gannya angevi mwaideri wida' "Tika munne naanga jovirava! Sirigwajagaa' a'mwe darari naader." Jozepiyai sara kuda' a'mwe pwai tika wapaaya jovirava!. Jozepiyare angevi gya'mwera davaabinna yeva lika yina yeva widaayaderi wide' "Kigaa' nemire giilyavi nigwia mihakiwa'dikei mwanganyiwa'do. Nigwia sa aya maa'mwo. Nabaai nigwia pin maarona wapaaya pininna mubaathera." Wi'na kude' Jozepiyare angevi maremwaaidei wida' "Lika mipinera! Kigaa' sarimire nigwia maa'mwa'de. Gotiyai nigwia pin sarimire giilyavi dahamihakiwa'di?" Widina yaka

Simyanimi kalavuzavidaasi maarina kya' a'mwe yuyara angevi marasaabina ye!.

**25-34** Gya'mwera angevi wila'dapi srigwajagaa' Jozepiyai wilaabina kya' gya'mwera "A'mwe naangeigi," widina yeva gitdu'na yeva wapaaya waburya yanga wijaavina. Yanga wijaavina kye' Jozepiyai wida' "Sariminyi sirinimaangei tewaanya damwaali?" "Tewaanya mwaali!" widina yeva gitdu'na ye!. Gitdu'na kye' Jozepiyai Bejaminimi wanganaka wida' "Sarimire wiryaakelyi kabiwaa' yihwangamwa." Jozepiyari kale wiadaasi Bejaminimi wida' "Gotiyai tewaanna gyadeiginyi, gitima!" widaka yarai gavinyaba wladaa'na yaka kinna maredina. Kinna maredina yaka gannya sinnyi' aalya yinyina yaka ayawinna wilaabina ya!. Jozepiyai "Nemi naana!" daka siraangei pimagi wimwaaihina wryaakei pimagi wimwaaihina kutabanyara nayaa wimwaaihina ya!. Wimwaaihina yaka wapaaya jaapaina yaka pwaraavi kibangwa wina, Bejaminimi wapaaya naanga wina ya!. Sara yina kya' gya'mwera kumire gaidaa'na wanganna wapaaya naanga Bejaminimi wina yake' wanganeva atika maru'na ye!.

## 44

*Jozepi yaamiji kyaa' gya'mwera tewaanya yaa!*

*(44:1-34)*

**1-9** Kidaraka mi'na kane' Jozepiyai gannya wawinya widaayaderi widina "Kumire gilyangi

wapaaya d̥imaramihya! A'mwera n̥igwia gannya g̥ilyangi d̥imihya! A'mwe pwarevi sara ja! A'mwe pwarevi sara ja! Nabaai n̥imire maa'gula tewaanya naange' w̥iryaakere g̥ilyav̥i d̥imaramihya!" Sara w̥idina kya' w̥idaayadei sara ya!. Mwanyagaa' Jozepiyari gya'mwera yagalya'makuna. Yagalya'makuna kye' Jozepiyai w̥idaayaderi w̥ida! "A'mwe saraav̥i d̥imijaahala! Mi̥jaahaina ya'g̥izi̥ d̥ara dutha! 'N̥imire a'mwe naangere maa'gula tewaanya naange' kuka ky̥waakira.' " W̥idaayadei kaanna kaanna w̥ina yaka mi̥jaahalaka Jozepiyai w̥idake! sara w̥ida!. Sara kuda! Jozepiyari gya'mwera w̥ide! "Aawa. Maa'gula sai mamaariwo. Pware g̥ilyav̥i maa'gulyai wangana'g̥izi̥ gamizai d̥iramakidelyira. Nabaai nemi yuyaina g̥imire a'mwe naangere wawinya w̥idayadaanyaina y̥ima'naadeinera."

**10-17** Jozepiyari w̥idaayadei w̥ida! "Maa'gula sar̥i kuka maa'mwaka gavei w̥idaayadei y̥ima'nadelyi. Sar̥imi pwaihi kaanna diwila!" Mi'na w̥idaka kumire g̥ilyangi wanganna wanganna yaka Bejaminimire g̥ilyav̥i maa'gulya' daap̥ina ya!. Daap̥ina kya' Jozepiyari gya'mwera kale kwia' lika y̥ina ye!. Li̥ka y̥ina yeva Jozepiyaryawinna ay̥ina kaanna w̥ina yeva kale wiadaasi sagaa' gi'du'na ye!. Gi'du'na kye' Jozepiyai w̥idina "Sar̥imi sara y̥ivanigasa'na n̥imi si̥du'nakeinyi yawi'dinayainyira. Da' baa'na y̥iwaatavaka?" Wi'na w̥idina kya' Juthai w̥ida! "Nemi yagaala beri' gitthaaziwona? Nem̥i kayaa'na y̥ivanigo' dahaa' g̥imire wawinya gitthayadaanyaina y̥ima'naadera." Sara kuda'

Jozepiyai widiina “Arikawinyira. Nimiire maa'gulya' kuka maa'mwakei gavei nimiire nyidaayadei yima'nader. A'mwe pwara kuvinimaangeryawinna ayahi kaanna wiña yipi'dera.”

**18-34** Milna widiina yakegaa' Juthai wida' “Bejaminimine nenimaangei yilaaya naanga marivanika. Kwarame kwalaalya naanga kwavilava' sagaa' neya'mwe Jozepiyai pwai mi'ka. Sagaa' yuyagaa' nenimaangeri kale wia'. Daha'a' Bejaminim kamaara'gizi nenimaangei balina yadelyira. ‘Bejamin kaanna wiña yade,’ da'gizi ni'mi dava mwaala'muj wawinya gitthaayadinyainy i'ma'nideinyira. Bejamin kaanna muyi nyadi'ka! Ni'maamaangeryawinna aya muyi yadi mwaalina yideinyira.”

## 45

*Jozepiyai gya'mweraavi “Jozepiyainyira,”  
wija!*

(45:1-28)

**1-15** Juthai sara kuda' Jozepiyai kale naanga wiadaa'nyi widaayadivisara yuyaraav mwasaawinna widasaawi'na. Widasaawi'na yaka kinna naanga maredakeri' Yiziipi mwaalyara wi'nyina. Kadika wi'nyina kye' Jozepiyai gya'mweraavi widiina “Jozepiyainy. Ni'maamaangei nayaa kuna damwaal?!” Sara widina kya' gya'mwera atika maru'na'na yeva yagaala majara navika yina. Navika yina kye' widina “Mithyan mwaalyaraav kanyimube' kumizara Yiziipi'na nyimakwawe!. Sarimi sara nyesaihi daha'a' kave dimwaalyi! ‘Nem

kayaa'na naangeina,' maji jide'na Gotiyai 'Kumi nabalapidika!' daka sariminyina waasina nya!. Waasina nyaka 'Kwaaka Yizip yuyaba dimaremwaasideiginyira,' nyidinikeinyira. Wapaa kunegaa' kwarame piriwaai kwavilava' kwarame dawaai dawaai da' wavilavadengi. Niamaamaangeryawinna yarai diwila! Dara duzi! Nimwai giminyyi kinidakaavhiriji gimirre gilyivisaj Yizipi na dimakwona!' sara duzi! Wapaaya kunegaa' maremwaaina yihyideinyira. 'Gami Jozepiyalyira,' mi'na yawi'mwaava. Naange' yihithiwana." Mi'na widdina yaka Bejaminimi galamuji'na yaka kinna maredina yaka gya'mwe pwaraavi galamuji'na, kinna maredina ya!.

**16-28** Yizipiya a'mwe naangei Peroyai "Jozepiyari gya'mwera mena bina yiwaai," wi'naka yilaaya yina ya!. Yilaaya yina yaka Jozepiyari wida' "Ja'mweraavi dara dutha! 'Kaariziya (kaare'bisa) dimaaryi! Kwaaka Kainanina ayahi diwila! Sabadaasi sirinimaangelyi sarimirej sangi niminyawinna dava dimakabyidengira,' dutha!" Pero sara kuda' Jozepiyai kwaabihannya baazi'ma'nya wapaaya tusavi niggwiya'ne wimaarina yaka Bejaminime niggwia naanga baazi'ma'nya piijaakuna wimaarina. Wimaarina yaka nabaai wapaaya jiliikyaawarya ganimaangarin yaasina. Yaasina kya' gya'mwera Kainanina ayina wi'na yeva Jaikopimi Jozepiyarina wida'. Jozepiyarina kude' Jaikopi balyengi'na'. Balyengi'nakai wida' "Sa' nebwina mika." Kaariziya Jozepiyai yasaabi'na yake wanganaka

wida' "Nebulyasira. Jozepiyai kwaihwaainakei mwaali!. Nimi wanganaawima! Mi'na wangana'mujit diivi balideinyira," wida' Jaikopit.

## 46

*Jaikopinidaka Yizipi sabanna kaanna wiyaa!*  
(46:1-34)

**1-4** Yizireli gannya giyivita yuya maarina yaka anga Biyazivana yi'mavaawina yaka jiliikyaawarya Gotiyarina dikya yira'na ya!. Yira'na kya! Gotiyai wida' "Gotiyainyira. Gimamaanga Aazaki yilaaya nyimarya!. Kwaaka Yizipi sabanneigilika minnera! Saba gimireraavi kwala naangera diraginyaara wi'mwaaihi na yideinyira. Gimijiwawakadeinaalyira. Nabaai gimi bala'daa'gi Jozepiyai giminyyaba mwaaladelyira. Wila pigaa' ayina bya'neihiri yihimwaaihdeinyira," wida'.

**5-27** Biyazivadaasi Yizipi sabanne Jaikopiji gawaalivava garaayava sa kaanna wida' ye!. Yizipi sabanna yi'mavaaweva a'mwe daraai dalyaraavire ata siviliraai yaka pware atiraai yuya mwaale!. (Yuya 70 mwaale!).

**28-34** Jaikop Juthari widaasaawina "Jozepiyaig Kwaaka Gozanit wida'naka!" Jozepiyai wi'jimaa'nyina kya' galamuji'nyina yagiila kinna maredinagi. Kamaredinagi ganimaangei wida' "Gwangamweinyi dahaa' yilaaya yina, nayaa balideinyira." Jozepiyai kumizang wida' "Nimi kaanna waanyina ya'mujit Peroyari wida' yideinyira. Jiliikyaawaryajit kaimiraavizimyajit nimire sa bamwaaihava." Sarimti dara duzi! 'Nemiti jiliikyaawarya yi'divaidaanyainera.

Yizipi mwaalyara jilikyaaawaryaraavina  
yilaaya myadivsarera. Yidivaidivsaihi  
mwaaidapi Peroyai ‘Gozani kwaaka tewaanyaba  
dimwaalyila!’ yihithathelyira.”

## 47

*Jaikopinidaka Peroyari angyiri'maata yaa!*  
(47:1-12)

1-6 Jozepiyai gya'mweraavi mi'na widaaka Peroyaryawinna kaanna wina yaka wida' “Nimaamaangelyi nya'mwerajt sara Kwaaka Gozani mwaaiha!” Jozepiyai Peroyari widakekaa! gya'mwera a'mwe daraai daraai dalyara Peroyare angevi mwaale!. Kamwaale! Peroyai wida'na “Bewawiya yadivitaihila?” Sara kuda' kumi wide' “Nenimaangei jilikyaaawarya kyidivala' nabaai nemi sara yidivaidaanyainera. Kwaaka Kainani nemire jilikyaaawaryaraavine wapaaya mwarika. ‘Kwaaka Gozani saba dimwaalyila!’ kaneda'gizi saba mwalaadennera.” Mi'na kude' Peroyai Jozepiyari wida' “Gimaamaangelyi ja'mwerajt saraavvi dutha! ‘Kwaaka Gozani tewaanyaba dimwaalyila!’ ‘Wawiyaangera pwara damwaaihava!’ da'gizi ‘Peroyare jilikyaaawarya jidivalyila!’ duthana!”

7-12 Mi'na dinagilyagaa! Jozepiyai ganimaangeri wijiamaa'nyina yaka kaanna bi'na. Kaanna bi'na kyagi Peroyai Jaikopim wanganaka wida' “Kwarame gara gara gwavilavaka?” Sara kuda' Jaikopi wida' “A'mwe neinyi kwarame naanga naanga (130) nyavilava!.” Wi'na widaaka

“Kwarame kwalaalya ḡim̄i tewaanna mwaaih̄ina gyathe Gotiyai.” Sara wīdaka sabadaasi kaanna wīna ya!. Nabaai Jozepiyai kaanna wīna yaka kwaaka tewaanyaba gan̄maangelyī gya'mweraj̄i saraav̄ine wījaav̄ina yaka wapaaya kumiñyin̄e wījaav̄ina ya!.

*A'mwe yuyaraji samilīka Jozepiyarī wapaaya mubyaa!*

(47:13-26)

13-26 Sagaa! Kwaaka Kainan̄i Kwaaka Ȳzīpī sabanyaai wapaaya kunegaak̄ra. A'mwemilīka Jozepiyarī wapaaya kamube! Jozepiyai nīgwia maaraka Peroyarin̄a wījaava!. Sana sana yīna yīna yakegaa! a'mwemilīka Jozepiyarī wīde! “Nem̄i dahaa! nīgwia mwarika. Kunemilīkanera. Mīj̄ika naanga bala'daanyamilīkanera. Wapaaya nejaama!” Tīvi'na kude! Jozepiyai wīda! “Sarim̄ire j̄ilīkyawaryya kanyijaavapit̄jī wapaaya ȳih̄zaav̄idehih̄ilȳra.” Sara kuda! a'mwemilīka j̄ilīkyawaryya maareva wījaav̄ina kye! Jozepiyai wapaaya wījaav̄ina ya!. Wapaaya wījaav̄ina kya! kwarame p̄ir̄ī kwav̄ilava! a'mwemilīka Jozepiyaryabanna kaanna bīna yeva wīde! “Nīgwiaj̄i j̄ilīkyawaryaj̄i yuya mwari!. Dahaal! kunegaa! mīj̄ika naangegaa! nem̄ire kwaakej̄i nem̄īj̄i war̄i!. Wapaaya nya'ne wit̄z̄ila wia'ne kanejaava'ḡizī yuya gīzavaadera.” A'mwemilīka sara kude! Jozepiyai Ȳzīpī mwaalyaraav̄i wīd̄ina “Sarim̄ire kwaakej̄i sarim̄ij̄i sangih̄iri Peroyarin̄e ȳih̄mub̄ivan̄ige nayaa jaw̄rila! Wia'ne ȳih̄zaavan̄ige d̄vurij̄ila! Yawaka kyoj̄ī sarim̄i m̄il̄ina yap̄ij̄i gīlya atina

mihapijji gilya gave piri! Peroyarine wimaarina jidesira. Sana sana witziла yuya jidengira. Gilya dawaai dawaalyangidaasi witziла nya'ne witziла wia'ne dimaaryidengyihilyira. Sarimiresira." Sara widina kya! a'mwemilika yilaaya yina yeva wida! "Daha! nemi mwalaadeinera. Peroyare widayadaanyaina yilaaya mwalaadera."

*Jaikop i gannya gilaaya wakadevanna wijaa!*  
*(47:27-31)*

27-31 Jaikopindaka kwala naanga yima'nyina kye! Gozan i mwaalakei Jaikop i gilyivita naangejyai mwaala!. Jaikop i kwarame 147 kwavilava! dara wanganake! "Ai, nimi a'mwe neinyi yarai balideinyi daaka!" Daka Jozepiyari "Yarai divama!" jaka widina yaka wida! "Nimi kabala'muj i Yizi pi dava nanyakipi! Nimaamaangei warikeba dinyalideinyira." Sara kuda! Jozepiyai "Naange! gitihiwana 'Ginnya dadinyaba gwaki de'nanyira,' wida!"

## 48

*Jaikop i Yipiremina Manaazarina saraari tewaanna wijaa!*  
*(48:1-22)*

1-9 Pigaal sagaa! a'mwemili! Jozepiyari wida! "Gimaamaangei nabalinakei mwaali!." Sara wi'naka Jozepiyalyi gawaali vaangeraalyi "Nemi Jaikopimi wanganaana!" deva kaanna wi'na ye!. Jozepiyari gawaali pwai Manaazai pwai Yipiremi mwaalagi. Jaikopimi angyiri maata kye! Jaikop i Jozepiyari wida! "Anga Beteli

Kwaaka Kainani mannikeba Gotiyai niminyaba wilaabaka nyida' 'Gimire kaimiraaya kwala naanga gitzaavideinyira. Nabaai kuminyine gazagaasagaa' Kwaaka Kainani wijaavideinyi, sara nyida'. Jozepiyagi gimirre kaimiraayaraai Yizipi saba yawakinaginyaraai niminnersaalyira. Yipiremiji Manaazalyi saraari nyimakama! Kiriminyi tewaanna widideinyi."

**10-22** Yizireli a'mwe nei tinna jihinna wiadaa'nyi mwaalina ya'. Yizireli sara kuda' Jozepiyai Yipiremiji Manaazalyi saraari yosigalamakuna kya' Yizireli galamujit'na, yilaaya marina yaka Jozepiyari wida' "Jozepiyai pigaa' magwanganyadinyainyira," dena sa' Gotiyai sara kya' gitijji kaimiraayaraalyi sahiiri sara yihwangamanige." Mi'na kuda' Jozepiyai gamire siraanga Manaazarit Yizirelimire angasirii wimwaanihina, Yipiremimi kwanaamimagi wimwaanihina ya'. Wimwaanihina kya' Yizireli asiraai wovihralimwaga'nyina ya' kaimaleraari. Sara kya' Jozepi dara wanganake! "Ai, nimware angasi difyiarit dathathiwagalimwagarika!" Dina yaka gamire angasi limwanna yaka wida' "Manaazai siraangelyira. Gaminyi angasiliyi dilimwagaka!" Kuda' Yizireli wida' "Aawana, kunya yawi'manigeinyira. Manaazare kaimiraaya kwala naanga yirivadengira. Sa' Yipiremire kwala naanga naanga yirivadengira." Nabaai Yizireli wida' "Gotiyai Eviraamiji Aazakiji nimijji sainaavi tewaanna sara neyakabaibit' kaimiraayaraari tewaanna sara wiadelyira,"

yihithivanige. Jozepiyaigì nìmì dìvi maalìkegaa' balidera. Sarimìnìdakaavihìlyì Gotiyalyì sahi dìmwaalyideihìlyìra. Gotiyai sarimì Kwaaka Kainanìna ayìna makuna yìhyadelyìra. Kwaaka pìba Amoyaraavìreba kuka maarena kwaaka saba gizaawa. Gimiresìra. Ja'mweraavìre' mìka."

## 49

*Jaikopi "Nyibwaaliivava sara yipìde sara wìdima!" daka wijaa!*

(49:1-28)

1-28 "Nyibwaaliivava kuminyìne wiade'na wijiwaakìma!" daka Jaikopi gawaaliivavaavì "Jìkabila!" jaka wìdìna ya!. Wìdìna kya' yuyara wìlinà kya' Jaikopi wìdìna

"Ruvantì, nìmìre sìraangeigìnyìra. Nìmìre a'mwevì kwala maaragi'nya'na kutabanyaigì yìma'nyìna jìtheigìnyìra.

Sìmìyanìji Livaalyì saraaihi sìnnà tìka wìda'daasi a'mwe yagìmaayaraavì tamakagìlya'na Yìzìrelimìreraayaba pìba pìba mwalamarina yipìderera kìrimìrera.

Juthai, ja'mwera yìlaaya gìmaripi'derera. Nabaai wawinya gìthaayadìvìsara yìma'nìpìderera. Gimìre yìkamaangera gìmìnyìne lìkaanya wìpìdera. Juthai malakayaawaryayibìsai laayonìyaibìsalyìra. Jutharerera kuna maremwaaaina yadaapi Gamìrei kwaamu'nanyagaa' maremwaaidei bathelyìra. A'mwe pìba pìbanyara wìnapìjì gamìre yagaalya' sara yipìdelyìra. Yìsìla naanga wa'daawojì waburya'na maranadengìra Juthai.

Sevulanı aalibumaangevi mwaaladelyıra.

Yızakaai gannya yaginya dıragınyai kwaaka tewaanyaba mwaalına yadei wawınya naanga yına yadelyıra.

Deni kotıyavı yawıbwa'dei gamırera yagaaihıwınya dathelyıra. Gamızai tusavı naawınaanyai mwaalıkeibısalyıra.

Gethıyarı yıkamaangera 'Tamaana!' dapi wılaabapıji dıvi lıkaanya wodaapi Gethıyai tamadelyıra.

Azai wapaaya tewaanya wa'devanyai a'mwe naangera maremwaaidıvısaraavıne wapaaya sa wımaarina yadelyıra.

Napıtalaaı namaannya kaanyıve'na wodeibısalyı. Gamı yagaala naya makabathelyı Napıtalaaı.

Jozepıyai yıta sinakeibısalyıra. Padıvısara gamınyına mwata yevinna, Gotıyai mwaryagınyayı gamıre asawaai dıragınyabwi wina yadei. Nemıre Gotıyai dıragınyai yuyagaa' yuyagaa' tewaanna wiadelyıra.

Bejaminı kavıjılıkei tıka da'deibısalyıra." Jaikopı sara wıdına ya!.

**29-33 (-)**

## 50

*Jaikopı kabalyaa' Jozepıyadaraka wakyaa!*

(49:29-50:13)

1-13 (49:29-50:13) Jaikopı yagaaihıwınya mi'na wıdaka wıdına "Daha'a' yarai balına yıde. Kabala'mujı Maakıpela simaangevi Kwaaka Kainanı saba dınyakyideinyı." Mena wıdına yaka bala!. Kabala' Jozepı ganımaangerı

galamuji'na yaka kınna maredina ya!. Kınna maredina yına yaka widaayadivisaraavi wida' "Nımaamaangere kilaaka bwia'na marazınanya' maarapijì dıvuri!" Yızıpı mwaalyarajı Jaikopınidakajı sawıta 70 jınnadaa'nyıyagaa' kınna maredina ye!. Kınna maredina kye' Jozepiyai widaayadivisaraavi widaasawına kya' Peroyarı wida' "Jozepiyai gitihıvanı' 'Nımaamaangeri naange! widahe "Kwaaka Kainanı gwakiideinyıra." Sara widahe "Jozepiyraigı dıwona!" kanyıda'gızı widaeinyıra. Nımi baryai mi'na waka'muji ayına bına yıdeinyıra." Sara kude' Peroyai wida' "Gımi dıwona!" Wi'na kuda' Jozepiyalyı gya'mwerajı Yızıpı mwaalya a'mwe naangerajı Kainanına wi'na ye!. Kwaaka Aatathına yı'mavaawına kye' sawıta atina ata purıdaasi pwaraina kujınnıa kınna naanga dına ye!. Kınna naanga mi'na kade' Jaikopımi gawaalıvava gamınyı Maakıpela simaangevi wakına ye!.

*Jozepiyai gya'mweraavi nayaawijaa!*  
*(50:14-21)*

14-21 Jozepiyalyı gya'mwerajı a'mwe yuyarajı Yızıpına ayına wi'na ye!. Gya'mwera Jozepiyariına lıka yeva dıne' "Nemı kigaasagaa' Jozepiyarı kayaa'na yo. Dahaal nemınyına kayaa'na yadei dıngaka? Baarı! yajıwa!?" dınyına ye!. Dınyına yeva Jozepiyaryawınnıa wi'na yeva wida' "Nemı kayaa'nanyabwi gıminyına yobwi myawıri jıthe. Warana! Nemı gitmire dızavı kadıka wi'nyına gyaatheińera. Nenımaangei mwaalakegaa' sara

nej̄waakakeinera.” Mi'na wi'naka Jozepiyai kinna daka kavena wi'da! “Li'ka mipinera! ‘Jozepiyari kayaa'na yaana!’ kadine! Gotiyai ‘Nim̄i a'mwe kwala naanga yivainidera mij̄ikegaa!’, daka ‘Jozepiyari gya'mwera yivanigasa’ sara yipi'de'nanyira,’ da! Gotiyai. Sarim̄inyina tewaanya maremwaalideinyira,” wi'da!

### *Jozepiyai balyaa!*

(50:22-26)

22-26 Jozepiyalyi gamirej̄i sa Yizip̄i saba mwaale!. Jozepiyai kwarame 110 wavilavakei gyakaangenḡi tinna wangana!. Tinna mi'na wanganaka gamirenḡi wi'da! “Nim̄i yarai balideinyira. Gotiyai sarim̄inyi Kwaaka Kainan̄ Gotiyai kwaaka Eviraamim̄ine! Aazakim̄ine! Jaikopim̄ine! wijaavakebanna ayina makuna yihyadelyira. Naanga'na yagaalya! dinya'jila! ‘Nem̄i kwaaka Kainan̄na kaanyagaa! Jozepiyare yagi'nya makuna yawaaji saba wakinna yaadenḡira.’ ” Sara widaka balina ya!. Kabala! pwara “Gannya kilaake! tewaanya warana!” deva marazinanya! purina yeva bikusav̄i wlakina ye!

**Yipma Genesis and New Testament  
Genesis and The New Testament in the Yipma/Baruya  
language  
Buk Stat na Nupela Testamen long tokples Yipma long  
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Mar 2025 from source files  
dated 9 Oct 2020  
ef60f748-49e3-5ee0-8e6d-a25b74b7a93c